

SIRETAB BETUT AGE TUGUL  
MAONATENG'UNG NEBO BETUT AGE TUGUL

KONUNET 2

Arawetab Ang'wan — Arawetab Mut – Arawetab Lo

2025

# Logoiywek **Che Miach**

Betut age tugul



**BUCH**  
MA KIALDOI  
SIRUTICHU KO KILPAN  
ORETIKYOK AGO NYOLU KIGOITO BUCH

J beek che kaitit eng' ne amei melel, Logoiywek che miach che bunu emet ne loo (Kalewenaik 25:25)

*Uebert & BeBe*  
**ANGEL**



## UEBERT AK BEBE ANGEL



Kotinye mogornatetab kasarta eng' boisietab Kamuktaindet, Uebert ak BeBe Angel ko naatin kutuswekwak eng' amdaetab logoiywek che miach che bo chametab Kamuktaindet (Euangelion), ak kayaptaet ne bo Kuursetab maonatet eng' ng'ony komugul. Ichek ko siriikab bukuisiek che aldoi ak kowalei bik mising' kou Spiritual Warfare, Prayer Banks, Supernatural Power of The Believer, Grace Driven Life ak logoiywek che miach che bo betut age tugul. Kiyai ichek tesetab tai ne togu eng' bukuisiekab Kristianik.

Uebert ak BeBe Angel ko naatin ichek agobo keerenywan bo tai, taunetab tuguk ak kandoinat ne tynyei teerchinet ak kicheng'ei ichek mising', kocheer ak kong'alalji bik. Ichek ko taunikab kaniset ne The GoodNews Church (Spirit Embassy), ago nomu ichek kuursetab maonatet. Kitiiny ichek sobonwekab milionisiek koyom ng'ony, kotinye tokyinet ak kagiiletat ge koyapta ng'ang'utietab logoiywek che miach, ak walet ne bunu chametab Kamuktaindet (Euangelion)

## AGOBO LOGOIYWEK CHE MIACH CHE BO BETUT AGE TUGUL

Bukuitab logoiywek che miach betut age tugul, ko nyolu mising' eng' Kristianik amu sirat eng' ng'omnatet, si kobiit koteech tamirmiriet eng' betusiek tugul che bo kenyit. Konu naet ne mi barak, ng'ang'utik che bo kimnatet, ak maonatetab betut age tugul ne tokyin inendet ne somani sobetab Kristo, ne mitei eng' kanetutik che bo walet ak ng'ang'utikab Maotiot Uebert Angel. Sirutichu keropu konyil ang'wan eng' kenyit ak naat amu yomu ng'ony, ago kigoito buch eng' kutuswek che terjn, si kobiit koityi kutuswek alak, ak eng' noto konyor biik tugul eng' ng'ony ng'alechu bo walet.



Betutab Aeng', Arawetab Ang'wan 1

## MAT IBUT

### Juda 1:24

**Ingobunji anyun nguno inendet ne imuchi koribok si mobutyte, ak kondeak taitab torornatennyi eng' boiboiyet ne o ko motinye tisia.**

Kristianik alak kowise ichek tuguk che makyin ge borwekwak, ama che machei tamirmiriet. Chang' che tokyin ge sirutik, mising' ko che bo arorutiet ne os, ama nae ichek kole atebenyon ko nyolu kotononji chametab Kamuktaindet eng' arorutiet ne leel. Ye amwaei ale "Arorutiet Ne Leel" ko mang'alalen ole igesune ge sirutik ak konaam bukuitab Matayo, kou ye sirat eng' Bukuit Ne Tilil. Mwaei Hebranik 9:16-17 kole, kiinaam Arorutiet Ne Leel ye kime Kristo.

Ogeer Sirutiet ne chamei Kristianik che chang', kobun Arorutiet Ne Os kolen: "Amu ibuti chito ne bo iman konyil tisab, ak kong'eet kogeny." Nganda mitei imanit eng' sirutioni, ko mitei ng'ony ng'ang'utienyin eng' Kristianikab Arorutiet Ne Leel. Mwawech Juda kole imuchi koribech Kamuktaindet si magibutyte. Boiboenjin anyun ak icham imaninoto mi barak. Iyan ile tinye Kamuktaindet kimnatet, ne imuchi koterin amebutyi tengekto. Tonon komie rani ak imwa kole, "mabuti!"

### MAONATET NE KIMWACHIN GE

Atononi eng' kimnatetab Kamuktaindet. Awendoten nyiganatet eng' chamet ak kimnatetab Kristo, angen ale igimiton atonon komie ak aistoenge tengekto. Igimiton chametab Kamuktaindet asop sobetab kabelisiet. Amwae ak ang'ate ale, mabuti eng' keniyini bo kang'etietab sirimok! Amu ribindenyun ko Kamuktaindet, ago indeon tai eng' boiboiyet ko matinye tisia. Haleluyah!

### TESETAB SOMANET

Hebranik 6:1

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Samuel 30:11-31:13; 2 Samuel 1-2

[www.goodnewsdailydevotional.com](http://www.goodnewsdailydevotional.com)



Betutab Somok, Arawetab Ang'wan 2

## MOGORIOTAB MAT

**Tienwogikab kalosunet 5:3**

**Ee Jehovah, igase kutinnyu karon; Ak atetun saennyu karon, ak ageni.**

Tos kiinyoru betut ne bwanjin uinwek ak kewelutik kobun komoswek tugul? Uinda age tugul, kewelutiet age tugul, ak koimutik alak tugul che inyuru, ko tinye wolutiet eng' tamirmiriet, ago wolutionoto ko mat!

Kiiguiyo Jesu inendet kou noto. Nganda kiyai inendet betusiek, ko kiingen inendet kole ma nyolu ichut betut ne tomo ilaalji mat. King'eete ine kota komirmir, ko tomo komong' asista si kobit kolalji mat betunoto isubi. Ngot ko kinyolu kolaalji betunyin mat, inendet ne kiyai betusiek, ko ani achek?

Aineni imanit. Kewelutik tugul ko ma makyin ge mat ne aechin. Agot kou ye ingen bikab mung'aret kole, mung'aret age tugul ko makyin ge chobet ne teerjin, ko nyolu kenai kele kewelutik alak ko makyin ge mat ne o.

Tos I bilionea eng' mat, anan mamitei mat age tugul konorweng'ung? Tos itinye mat ne yamei iborien kewelutik che mi gong'ung, boisieng'ung' anan ko chametab ge eng' bortang'ung? Mat ichut betut ne mechopchigei. Kewelutiet age tugul, tawenyin ko mat!

### MAONATET NE KIMWACHIN GE

Ang'ate ak amwae ale eng' kenyini bo kang'etietab sirimok, ko machute betut ne ma alajji mat. A bilionea eng' mat ne imuchi kogon kwong'utik. Inaami sobenyun nebo saet. Kewelutik tugul, kogesu mat eng' kainet ne toror nebo Jesu, Amen!

### TESETAB SOMANET

1 Laitorinik 18:38

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Samuel 3:1-6:11

[www.goodnewsdailydevotional.com](http://www.goodnewsdailydevotional.com)



Betutab Ang'wan, Arawetab Ang'wan 3

## NG'ALAL WOLUTIK

### 2 Laitorinik 4:2

**Ak kilenji Elisha inendet, Imache ayaun nee?**

Tos kiib kasarta ibwat ile matinye Kamuktaindet kewelutik alak tugul? Matinye inendet bunik amu mamitei kiy ne imuchi kobel ge ak inendet. Oo mising' kosiir bunik ago mweitos kewelutik eng' ole mitei inendet. Kas anyun nito. Mwawech Bukuit Ne Tilil kole kimi eng' Kristo. Iboru noto kole kimi eng' inendet ne matinye kewelutik. Ago kachililutiet ne oo, ne yaei Kristianik che chang', ko kanye chi ne imang'u ichek eng' kewelutikwak. Iboru kole tomo konai ge ichek eng' Kristo. Kimwa Kristo kole ye kaigeer inendet, ko kaigeer Kamuktaindet. Imuchi imwa kou noto aginye. Ma inye ne kanye chi kotiachin, kobaten inye ne itiakse. Kiiguitos Elisha kole kiwendote inendet ak wolutik. Agot aginye iwendoti ak wolutik. Ing'alali kou arorunindetab Kamuktaindet. Kewelutiet age tugul ne yome koyot met eng' taing'ung', ing'at komanda ak imwa wolutik!

### MAONATET NE KIMWACHIN GE

A o mising' kosir kaimutikab oindet. Atinye Kamuktaindet eng' orinyun, ago anyun aiboti wolutik. Ye kaigeron ko kaigeer Kamuktaindet. Ang'ate ak amwae ale ane ne itiakse, ye kamang'u ko betos kaimutik. Ang'alali nguni kou arorunindetab Kamuktaindet, ago ang'ate kewelutik tugul komanda eng' kainetab Jesu! Amen.

### TESETAB SOMANET

Johana 14:9

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Samuel 6:12-10:19

[www.goodnewsdailydevotional.com](http://www.goodnewsdailydevotional.com)



Betutab Mut, Arawetab Ang'wan 4

## KIGETETYIN SOBET

### 2 Korintoek 5:17

**Noto anyun, ngo mi chi age tugul eng' Kristo, ko kigeyai inendet koek chito ne leel: kagosiirto tuguk che bo keny; ogeero, kagoek che leelach.**

Kabwatutiet age tugul ko sirat eng' komoswek tugul chebo bortang'ung'. Ki ang'alalen nito eng' koindo, eng' bukuinyun ne kiguren Genetics of Words. Siranato mi bortang'ung ko testo kabwatutikab kwansieguk—che miachen ak che yaachen—ago kiinyoru eng' siget ak kogonorak eng' bortang'ung'. Kobaten boisie ng'aleguk kotiach kimnatenywa.

Teebe konyoik agobo atebetab borwekab biik chebo gongwong', amu iguitos kole ngo mi miondo, ko lazima ko kitaunege chi. Ma imuchi koguiyo konyoik ngot ko maiguiyo atebetab kabwatutik. Kobaten iguitos Kamuktaindet ago mwawech kole, tawet ko mi eng' ng'aleguk. Isobe anan ime, itononi anan ibut, amu eng' ng'aleguk.

Nganda imuchi ko kiyaatyin kwansieguk mianwogik, kabutet anan ko bananda, ko I Kristianindet ko ma iratat eng' atebet neu noto. Itinye bortab Kamuktaindet. Eng' ng'aleguk imuchi itononsi tuguk alak tugul che yaachen che kiinyoru eng' kwansieguk. Ng'at sobet, mieindab borto ak bandab tai ne mie ingen ile kigetetyin sobet ne nyitat tuguk!

### MAONATET NE KIMWACHIN GE

Awale atebetab borwek ak tamirmirietab gonyun, ak andai borotet korotikab orenyun. Bortanyun ko hekalutab Tamirmiriet Ne Tilil, ago menyé orinyun Kristo. Aesioi ng'wanindo age tugul, mianwogik, kabutet ak bananda. Ang'ate mieindo eng' borto, borotet ne mararu, ak sobet ne nyitat boiboiyet ak kalyet, eng' kainetab Jesu! Amen.

### TESETAB SOMANET

Johana 10:10

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Samuel 11-13

[www.goodnewsdailydevotional.com](http://www.goodnewsdailydevotional.com)



Betutab Lo, Arawetab Ang'wan 5

## NE IBU WALET

### Matayo 5:13

**O munyukab ng'ony: ago ngo bet anyinyindab munyuk, ko ta kenyorundo ano anyinyindo?**

Munyuk ko mawalaksei. Nganda imuchi kobeet anyinyindo ak boisiyenin ye kawechok, ye choty anan kochut ge ak tuguk alak. Kou noto agine komuchi Kristianik kobet kimnatetab tamirmiriet, ye chut ge ak tugukab ng'ony, anan ye chamji kayanenywan kochoot amu maboisien.

Kurenech Jesu "munyukab ng'ony," ago ibwatwech noto kole boisiyenon kogochin ng'ony, ak ole kimitei anyinyindo. Ng'anda ngo wechok sobonwekyok amu eng' tuguk che yaachen, anan kochoot amu mamitei kayanet, kibeeti terchinet ne yaech keigun biikab walet.

Ye kinaite boisiyenon ko ki munyukab ng'ony, kiguitosi ak kenai kimnatetab kawiset ne kigonech Kamuktaindet kerib, kitilil ak keibu walet. Kou ye walei munyuk ole mitei, ketinye ak achek kimnatet kewal atebosiek, kebut bitosiek ak kemwaite sobet kou tononikab Kamuktaindet, che iboti nyamdutikab bounatenyin koityi komoswek tugul.

### MAONATET NE KIMWACHIN GE

Kenyini atononi eng' kamugenyun, ko a butindetab chubet eng' gonyon, kokwenyon ak kandoinatetab emenyon. Mamitei ng'atutik che isuldaen kandoinatetab emet, ama eng' naenyun. A ribindetab kiwatosiek, butindetab sirimok, ago tinye kimnatet ng'alekyuk eng' oldab tamirmiriet, kolumda imanitab Kamuktaindet, eng' kainet ne toror nebo Jesu! Amen.

### TESETAB SOMANET

Romanik 12:2

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Samuel 14-16

[www.goodnewsdailydevotional.com](http://www.goodnewsdailydevotional.com)



Betutab Tisap, Arawetab Ang'wan 6

## TEROT

**Isaia 59:19**

**amu nyonei ko u ainet ne isururtoi, ne onei kabusetab Jehovah..**

Eng' Sekaria 2:8, ko kuren Kamuktaindet bikyik "laptetab kondanyin," ago laptetab konda ko komosto ne mamache kot ketiny eng' borto. Tinye konda kamuget ak chepchebindo ne boisien korib laptet, ama ityi ngemisiet. Imismisi ak korongji bek, si koter kiy age tugul ne yome koityi. Kamuktaindet kou long'et eng' bikyik, ne wendi eng' chepchebindo koteer ak korib bikyik, ye yome bunyot kong'em ichek. Kou ye imuchi kotiiny konda buiwet anan ko lapkeiyet ne korom, komuchi sobonwekyok ak achek, konyor ng'emisiet eng' oldab tamirmiriet. Kobaten ibwatwech Kamuktaindet eng' Sekaria kole, boriet age tugul ne ityech ko ine ne yokto.

Eng' Kristo, koribin Kamuktaindet ak koteerin agot eng' kwenutab yaityo. Eng' kenyini bo butindetab sirimok, ko maisuldoi karik alak tugul che keyae kong'emin, amu Kamuktaindet ne ribindeng'ung', kotononi ago chobot koteer bunyot age tugul.

## MAONATET NE KIMWACHIN GE

Amwaei ak ang'ate ale a laptetab kondab Kamuktaindet ago ribon, ak koteeron eng' ng'emisiet. Ye nyo bunyot kou beek che isururtoi ge, kotononi Tamirmirietab Kamuktaindet ak koteer boisionikab bunyot. Mamitei ng'emisiet ne imuchi koityon amu teere Kamuktaindet eng' chepchebindo. Ami eng' ripsetab Kiptaiyatab Kiptainik, ne noto ko ribindenyun ne mabutoksei! Oindet ko I terot!

### TESETAB SOMANET

Sekaria 2:8

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Samuel 17-19

[www.goodnewsdailydevotional.com](http://www.goodnewsdailydevotional.com)



Betutab Tai, Arawetab Ang'wan 7

## BUTIKAB SIRIMOK

**Johana 8:32**

**ak onai imanda, ak kotiachak imanda.**

Katiaget ko ma nyumnyum, nyone amu eng' kaguiyetab imanda. Eng' kasartab katiagetab bik che ki mi eng' otwognatet, ko kigitiach che chang' che ki ratatin, kobaten king'et che chang' eng' otwognatet amu kima kas, anan ko kima koyoni logoiywechoto. Kou noto ak achek kimuchi kitiagatin eng' tamirmiriet, kobaten ngo magiguiye ak keboisien imanda, ketesetai keng'etu eng' otwognatet.

Mitei terchinet ye kimwa kele itiat, ak ye kagiyain iegu ne itiat. Ibwat kole mitei taritiet ne kagiger. Ngot keyatyi kurget, kotiagat anyun taritianato, kobaten ngot ko maiguitos kole imuchi kotiriren, ko eng' yoto ko maitiat. Ngemwa kele kagiyain iegu ne itiat, koboru kole itinye kaguiyetab katiaget, ak iboisien imanitab Sirutik.

Sirutik che kagitesta kayanet ko butetab sirimok. Kiguiyo imanit ko nyolu kechut orit ak kebekyi Ng'olyotab Kamuktaindet, ak keboisien eng' kayanet. Ye kiyaei kou noto ko ma kitiagatin kityo, kobaten yaech keegun che itiat. Esien otwognatetab abusnatet. Nai sirutik ak iboisien!

### MAONATET NE KIMWACHIN GE

Aesioi otwognatetab abusnatet. Ye achute oritab imandab Sirutik, ak aboisien eng' kayanet, ko ng'etos sirimok tugul eng' sobenyun. Awendoti eng' nyiganatet, eng' katiaget ne kigonech Kristo. Matiat kityo, kigitiachan asop eng' kabelisiet betusiek tugul! Amen.

### TESETAB SOMANET

Hebranik 4:2

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Samuel 20:1-22:34

[www.goodnewsdailydevotional.com](http://www.goodnewsdailydevotional.com)



Betutab Aeng', Arawetab Ang'wan 8

## MAT IRU

### Matayo 13:25

**ago, ye kita koruitos bik, konyo bunyondennyi ak kogolji chemulbainik ole mi bek, ak kwo.**

Ngemwa kele “mat iru” ko kakimwa kele, iegu ne ingen kit ne tesetai eng' ole imitei. Kamuktaindet ko kaborunetab nito. Mwawech sirutik kole mainuuchi, ama rui (Tienwogikab Kalosunet 121:4). Mamitei chi ne imuchi ko cheechi inendet, amu kosto inendet kasarwek tugul, koribe che chechik. Ma ibeti kiy age tugul ne nenyin; inendet ko ribindet.

Weche Kristianik che chang' amu, ma magen kiy noto agobo Kamuktaindet. Ma iguitos kole kanyisiei bunyot eng' kasarwek, che rui tamirmirietab chi ak eng' yoto kogolji keswekab yaityo. Kiigimit nito Kristo eng' Matayo 26:41, ye kimwawech kole keripsen ak kesa si ma kichut tiemutik

.Chuten bunyot kasarwek che mi ruondo eng' tamirmiriet, komaang'u konamech ye ma kichobotin. Ago anyun ko nyolu keripsen ak kecheng' Kamuktaindet. Mat igen koityi gong'ung' kewelutik. Igun ribindet ne mie, tet kasartab saet eng' kemout tugul, si yeit bunyot konyorun iripsei.

### MAONATET NE KIMWACHIN GE

Atononi eng' ripest eng' saet agobo sobenyun, gonyun, fedaisiekyuk ak ole atokyini ge. Aesioi kenyoruan ko ma chobot. Ma kinyoruon aruei eng' betutab kewelutik. Atinye kimnatet, ago achobot ateer boriet age tugul. A ribindet ago amwae ak ang'ate ale tugul che kigonon Baba, ko mabeeti! Amen.

### TESETAB SOMANET

Tienwogikab Kalosunet 132:4-5

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Samuel 22:35-24:17

[www.goodnewsdailydevotional.com](http://www.goodnewsdailydevotional.com)



Betutab Somok, Arawetab Ang'wan 9

## NE ISIPTO TULONOK

### Sekaria 4:7

**I ng'o, ee tulwoni o? legu warenget eng' taitab Serubabel!**

Tulwetab Everest ko tulwet ne o mising' eng' ng'onny kobo mitaisiek 8,848(butisiek 29,029). Nganda mitei ole ya, ko chang' elfusiekab bik che yome kolany tulwonoto kenyit age tugul. Tugul ko borchin ge koityi kit nebo kwong'et. Ortinwek che chang' che kibunoti rani, ko kigibal tulonok, ak keyai koek warenget, si kobit ole kebune. Kigiyaech kebut tulonok!

Ago anyun ko ma togu tulonok tugul. Kasarwek alak kou tulonok. Imuchi ibune tulonok eng' sobeng'ung'—ngo tulonokab fedaisiek, besiosiekab chamnyet, anan ko borto ne ma chamege—ago choto tugul ko anigeer, kou ne ma imugaksei, kobaten tomo kosiir kamugeng'ung'.

Kimwa Jesu inendet kole nda king'alaljini "tulwoni" eng' kayanet, kosiptoi ge (mariko 11:23). Keer ile kamwa kole "tulwoni"--- ago anyun ko nyolu iegu ne tinye tokyinet eng' kewelutik alak tugul che iborien. Mat isa kityo barak barak, mwa kewelutionoto ak ing'at kole isto ge. Ng'alaljin anyun kewelutiguk eng' nyiganatet rani. Ng'at koek werenget.

### MAONATET NE KIMWACHIN GE

Ang'ate ak amwae ale, a tulwet eng' tulonokyuk! Kenyini ko mamitei kewelutiet ne o eng' ane. Ang'alaljini kaimutik tugul eng' sobenyun. Inye tulwetab fedaisiek, abaun! Inye tulwetab miondo, abunin barak! Tulwet age tugul eng' sobenyun, ang'alali nguni: eng' tainyun ko l werenget, eng' kainet ne toror nebo Jesu! Amen.

### TESETAB SOMANET

Mariko 11:23

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Samuel 24:18-25; 1 Laitorinik 1:1-2:18

[www.goodnewsdailydevotional.com](http://www.goodnewsdailydevotional.com)



Betutab Ang'wan, Arawetab Ang'wan 10

## LEWEN TAMIRMIRIENG'UNG'

### Epesoek 5:18

**Amat obogitye eng' maiyek, che ibu maget ne ya, ago ingyoniak Tamirmiriet;**

Kwong'e biik che chang' kole, tos amuchi ayee maiyek? Kit ne makyin ge ichek ko chamjinet. Eei imuchi iyee maiyek. Maiyogu Kamuktaindet malaikayat kobun kipsengwet, kogerin kutit anan koger gorik tugul che bo maiyek eng' kokweng'ung'. Tebut ne kaikai ko, tos mi chamjinet keye maiyek?

Nan awol kou ni. Maiyek kochute ak kowis ole boisioitoi metit. Noto anyun si ngoee bik maiyek, koimaksei ng'alalet, tononet, keret, kabwatutik, tilet ak ole ibwatitoi chi. Agot ye tomo ibogit komie, koimaksei bortang'ung' tugul, amu eng' eisonoto agenge.

Mwawech Bukuit Ne Tilil kole mache Tamirmiriet Ne Tilil kobo komoswechoto tugul. Ole mitei kaimutiet, ko maimuchi kobel ge ak tamirmiriet age. Nyolu anyun itilu kole tamirmiriet ainon ne imache kobaun---maiyek anan Tamirmiriet Ne Tilil. Ne kata igochini maiyek kasarta kobaun, ilewen konyiin Tamirmiriet Ne tilil. Lewen eng' betut age tugul igochi inendet chamjinet kobo komoswek tugul che bo sobeng'ung'.

### MAONATET NE KIMWACHIN GE

Magachini chamjinet kiy age tugul ne iime bortanyun, kabwatutikyuk, anan tamirmirienyun. Bortanyun ko hekalut nebo Tamirmiriet Ne Tilil. Atinye kabwatutikab Kristo, ago bo Kamuktaindet Tamirmirienyun. Mamitei tamirmiriet age ne baiwon kobaten Tamirmiriet Ne Tilil. Agochini Kamuktaindet tuguk tugul chebo Kamuktaindet, ago agonyiti inendet ak bortanyun tugul.

### TESETAB SOMANET

1 Korintoek 6:19-20

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Laitorinik 2:19-4:19

[www.goodnewsdailydevotional.com](http://www.goodnewsdailydevotional.com)



Betutab Mut, Arawetab Ang'wan 11

## CHE YOSU MAT

**Jeremia 51:20**

**Inye ko i aiwennyu ne bo boriet, ak karikab luget: ...**

Sobetab Kristianindet ye mi ng'ony mising', ko nyolu kogergeit ak bonisiet. Imuchi konyasin kobaten noto ko imanda. Sobetab Kristianik ne kigoyan che chang', ko mi ng'ony ngirogen noto ne bo iman. Ye inaami isae, inaami ikergeitu ak mat. Noto anyun ko imanit nebo tamirmiriet. Sautiguk kotau kimnatet nebo kwong'et, ne imuchi kotumdum tolochik eng' nganasetab bunyot.

Kiiguitos Elija kou noto. Ma ng'alalji eng' cherset maotikab Baal, anan kobolji ichek. Kobaten kiguur inendet mat kobun Kipsengwet (Laitorinik 18:38). Kiibor anyun Pilipu kimnatetab Kamuktaindet, kot koit ole kimache koal kimnatanato, chi ne kicham kong'orse, ak koit kosom inendet kesochi (Boisionik 8:9-24).

Tebe ge ile, tos I Kristianindet neu ne! Ngot ko sobeng'ung bo Kristianindet, ko mayae kimnatosiekab mesundeito kobotanso, ko kanyol anyun ing'etyi imanitab ole nyolu ibo. Esien iegu Kristianindet eng' kainet kityo. Iguiten sobeng'ung' eng' kapkorosut kenyini, ak konamin mat ibaarte kimnatetab Kamuktaindet.

### **MAONATET NE KIMWACHIN GE**

Aesioi sobetab Kristianindet ne mamitei kimnatet. Ang'ate ak amwae ale a karik, eng' eunekab Kamuktaindet. Nyoru mugetut bunyondenyun. Amwae kaimetab ge, betetab met ak betetab tokyinet eng' bunyot. Ye asaei, akergeitu ak mat ne bute, ak koreb karik ak kong'em boisionik tugul chebo bunyot, eng' kainet ne toror nebo Jesu!

### **TESETAB SOMANET**

Hebranik 12:29

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 1 Laitorinik 4:20-7:39

[www.goodnewsdailydevotional.com](http://www.goodnewsdailydevotional.com)



Betutab Lo, Arawetab Ang'wan 12

## CHEGEN KAINENG'UNG'

### 1 Ateptab Betusiek 4:9

... ak kiguure kamennyi inendet Jabes, kole, Amu kiasich inendet eng' aroget.

Eng' kenyisiek sisit chebo sobet, imuchi igas kaineng'ung' keguure konyil 292,000 times. Kimwa chi kole kainetab chito, ko kit ne anyiny, agobo kamanut eng' nebo, eng' kutit age tugul. Ani nda kaineng'ung' ne kata ibu boiboiyet, kou chubet amu eng' arorunenyin?

Kainutik ko tinye kimnatet. Ye kin kigochin Jesu kainet, ko kimwa malaikayat kole, "Igren kainenyin Jesu, amu soru bikyik eng' tengekwojikwak." Kaineng'ung' ko maonatet ne kigigonin kong'eete siget--- kerge ngo bo mieindo anan yaiyo. Keer Jabes eng' karagutyet, ne kiguuren kamenyini "arogenet" amu kisich inendet eng' aroget. Ago kiimak sobenyin kot koit kosa si kobiit konyor walet (1 Ateptab Betusiek 4:10).

Cheng' anyun arorunet nebo kaineng'ung', ak igeer kit ne kigoita sobeng'ung. Ngo maboisie arorunetab kaineng'ung', kou ole imaktoi eng' sobeng'ung', inam ibou eng' saet ak eng' ng'atutik, si kobit iwal boisienyin. Mwachin ge maonatet ne leel, ak iesie sobet ne bou kainet, ne tere boisiet ne kigonin Kamuktaindet.

### MAONATET NE KIMWACHIN GE

Atiagat eng' sirimok alak tugul che wekyin bik let, eng' ole kigisikyon. Aesioi aek chi age tugul. Eng' kainetab Jesu atiachi sirimdo age tugul, ne kiboisien oindet koratyon ge. Ang'ate ak amwae ale ratutiet age tugul nebo bananda, ng'emisiet, anan ko abusnatet kobun kwanisiekuyuk, ko ng'ete nguni! Haleluyah! Amen.

### TESETAB SOMANET

Matayo 1:21

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Laitorinik 7:40-9:9

[www.goodnewsdailydevotional.com](http://www.goodnewsdailydevotional.com)



Betutab Tisap, Arawetab Ang'wan 13

## MEETAB NG'ALEK CHE YAACHEN

**Isaia 54:17**

**Magiberuri karnet age tugul ne kiyaei si kogirinden; ak igikyini ng'elyepta age tugul ne kirindoin eng' kiruget.....**

Ng'alek ko terenik che kimen. Ng'alek ichegen ko matinye kimnatet, kobaten ibote kimnatet ak kochunda kit ne mi orinywa--- kergei ngo kayanet, nyogoriet, berurto anan ko chubet. Noto anyun si manyolu kemeten ng'alek che yaachen, che kimwae agobo sobonwekyok. Oret kityo ne kiboisien kebar ng'alek che yaachen, ko keboisien ng'alek alak-- ng'alekab sobet ak kandoet.

Kigonin Kamuktaindet katiaget, ituptup ng'alek che yaachen che kimwaitoenen. Boroteng'ung' iborien ng'alek cheu choto, ago nyolu iyai noto, amu mayaun Kamuktaindet. Karonet age tugul ye ing'eete, itau kapkiruok eng' saet: butobut chubet, ak igikyini ng'alek alak tugul che yaachen. Ng'at ng'alechoto komeio, ak imwachi ge ng'alekab berurto eng' sobeng'ung'. Mat isis. Mwa ile maisuldo karik alak tugul che keyaei kogirinden.

### MAONATET NE KIMWACHIN GE

Eng' kainetab Jesu, agikyini ng'olyot age tugul ne ya, ne kigemwaitaenan, ak gonyun, chametab ge nebo borwekyok, fedaisiek, boisietab Kamuktaindet, ak ole kitokyini ge. Maisuldo karik alak tugul, che yome kong'em ole kitokyini ge, ole kiteptoi nguni ak eng' tai. Eng' kandoinatetab Tamirmiriet Ne Tilil, abutobuti tetutik alak tugul che yaachen, che mache koib sonatet, kaimetab ge, ak neregek. Eng' kenyini bo butikab sirimok, ang'ate berurto, chang'indo ak tononet eng' tuguk tugul che tinyon, eng' kainet ne toror nebo Jesu! Amen.

### TESETAB SOMANET

Isaia 54:14-17

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Laitorinik 9:10-11:25

[www.goodnewsdailydevotional.com](http://www.goodnewsdailydevotional.com)



Betutab Tai, Arawetab Ang'wan 14

## CHAMNYET KO KARIK

**Boisionik 26:17**

**asorun eng' bik, ak eng' Bororiosiek...**

Mwae Bukuit Ne Tilil kole bunyotab chi, ko mang'unen gonyin. Matin konyasin ye mang'u Judas eng' che otupche. Kimwa Daudi kole, "Amu kima ko bunyot ne kirosya: Nda ki bunyot ta kiamuitoi: Ama inendet ne kiwecha ne kiilosunenagei; Amu ta kiaung'egei inendet: Ago ki inye ne kiaechine, Choruennyu ak ne kingenge." (Tienwogikab Kalosunet 55:12-13).

Ng'wan ngo ng'wekten chi ne negit—chi nebo gong'ung', chorwa, anan ko chi ne kiibwati kole inyorunen toretet. Ingen Kamuktaindet ng'wanindo neu noto. King'wekta Jesu, agenge eng' kasubikyik, noto ko Judas ago kiisuldaen magenyin eng' yoto.

Sorun Kamuktaindet agot eng' bik che otupche, che igu buniguk. Mat iorogen ye king'wekten, kobaten iborchin ichek chamnyet, ingen ile sorun Kamuktaindet. Ole itokyini ge ko matilu ichek che yome kogirinden. Tilu inendet ne tononi koboten. Iyan sorunindenyon amu wole boisionik tugul chebo ng'wektaet, kobunji kabelisiet.

### MAONATET NE KIMWACHIN GE

Ang'ate ak amwae ale ng'wektaisiet ko maaragenjini, ama muse ole atokyini ge. Mami boriet age tugul na inamwone che kitupche, ne imuchi koteer tetutikab Kamuktaindet eng' sobenyun. Chamnyet ko kariyuk, ago sarwon Kamuktaindet eng' bunik che ung'atin. Ng'wektaisiet age tugul ko kanapton anyor kabelisiet, eng' kainet ne toror nebo Jesu. Haleluyah!

### TESETAB SOMANET

Romanik 12:20

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Laitorinik 11:26-13:34

[www.goodnewsdailydevotional.com](http://www.goodnewsdailydevotional.com)



Betutab Aeng', Arawetab Ang'wan 15

## IYAN KURSETAB OINDO

**Tienwogikab Kalosunet 68:1**  
**Ingong'heet Kamuktaindet,**

Kamuktaindet ko ma bo abusnatet. Kiinde kayanenyin orinyon, si ngo ng'alal, kewolu ak kayananoto boisien. Nganda Kristianik che chang' kobwati kole ngo ng'alal Kamuktaindet kong'alaljin ichek, yeityo anyun kochuchu Ng'alekyik eng' ming'inatetab borwekwak. Eng' imanit ko ng'alaljin Kamuktaindet ne mi orinywan.

Ye kuurin ibelchige emotinwek, ko ma ng'alalun inye eng' borto. Ye lenjin itoret emet eng' fedaisiek anan iteech kaniset ne yomu ng'ony, ko ma ng'alaljin kamugetab bortang'ung'. Ng'alaljin Kamuktaindet ne mitei oring'ung'. Arorutiet age tugul ne ui eng' bik, ko ma ui eng' Kamuktaindet Mwaei Bukuit Ne Tilil kole, "Boisietab chi kochob muguleldanyi: Ago bunu Jehovah wolunetab ng'elyepta." (Kalewenaik 16:1). Ye ng'alalun, ko kotomo iwalu ichegen, igeer ile tos walutiet ne itinye, ko noto ne makyin ge. Chamjin oindanyin eng' oring'ung' kong'heet, ak iboisien kayanenyin isuldaen chebo kwong'et.

### MAONATET NE KIMWACHIN GE

Ingong'heet Kamuktaindet eng' orinyun! Aesioi abusnatet ak kabwatet ne ming'in, amu atinye kimnatet ne ma begu, nebo Kamuktaindet eng' orinyun. Ye kuron atiny emotinwek anan agoito fedaisiek kotoret emotinwek, awolu ak kayanet neu nebo Kamuktaindet. Ma teron ming'inatetab borto. Asuldaen che kikwong'en. Ang'alaljini oindo ne mi orinyun ak ang'ate kong'heet! Amen.

### TESETAB SOMANET

Matayo 19:26

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Laitorinik 14-17

[www.goodnewsdailydevotional.com](http://www.goodnewsdailydevotional.com)



Betutab Somok, Arawetab Ang'wan 16

## MWEI!

### **Tienwogikab Kalosunet 114:3**

**Kigeer nyanjet inendet, ak kimwei; Kigiweekta Jordan kwo let...**

Kin komong' Lagokab Israel eng' Misri, ko kima komitei ichegen. Kibendote ak Kamuktaindet---toloitab mat, ak boldet che kibendote ak ichek, ago kotononjin kimnatetab Kamuktaindet. Eng' Komong'u 14:24-25, kegeere Kamuktaindet kogeeroti lugetab Misri, kogeerune toloitab mat, ak koyai kelyekab karisiekwak, kong'onng'onio ak kobutok. Kiarogenso lugetab Misri ak komwa kole, ongemwee Israelik, amu yaei luget Jehovah agobo ichek! Kiingen bunik kole kimata imuchi Kamuktaindet.

Sirutietab rani komwae kole, kigeer nyanjet inendet ak komwei. Kou ye kichop oret nyanjet amu eng' biikab Kamuktaindet, ko mwee agichek buniguk, kerge ngo mianwogik, uindab fedaisiek, anan ko kiy age tugul ne keroksei eng' oreng'ung'. Mweitos amu mi Jehovah kobaten.

Ibwat bananda kogeere Kamuktaindet konyil agenge, ak komwei. Keer mianwogik kobotani ak koweek let, kongen kole maibelisie. Kewelut age tugul ne inyoru rani, inai kole mi Jehovah kobaten. Eng' kenyini, kogeerin bunyot konyil agenge, ak komwei koloit!

## **MAONATET NE KIMWACHIN GE**

Ang'ate ak amwae ale uinda age tugul, ko mwee eng' ng'atutikyuk. Miando age tugul, inaan igeer komosta age nguni! Kou ye kigeer nyanjet ak komwei, ko loitunan bananda ak kabutet eng' kainet ne toror nebo Jesu! Botani bunik tugul, amu mi Jehovah kobaton, ago kutunyi kewelutik tugul eng' tainyin! Amen.

### **TESETAB SOMANET**

Komong'u 14:24-25

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 1 Laitorinik 18:1-20:25

[www.goodnewsdailydevotional.com](http://www.goodnewsdailydevotional.com)



Betutab Ang'wan, Arawetab Ang'wan 17

## WEEKYIN GE MIEINDAB BORTO

**Johana 10:10**

**Nyonei chorindet si kochor, ak kobar, ak kong'em kityo:**

Miando ko otwognatet ne ya. Tinye tilet eng' boisioniguk, tere katiagnatet, ak koyain isub ng'atutikyik. Indoun ak kondochi tetutik tugul che imache iyai. Noto ko kandoindet ne ya, ago oindet ne indochin!

Ma kiyai bortang'ung' komian. Ngo yom kochut kiy age tugul, koborien bortang'ung' eng' chokyinet ak kong'em kioto yome koiim borto. Kiinde kamuktaindet bortang'ung, tuguk che boisien konya ge inegen ama iimin. Ne sire tugul ko kiinde Kamuktaindet sobet oring'ung'--- sobet ne Zoe, ne noto ko sobet kou ye tinye Kamuktaindet.

Agot mianwogik che mengechen, ngo ma kimagen kiy, kogochin oindet kasarta kochor, kobar ak kong'em mieindab bortang'ung'. Mat iyan kobunjin kiy age tugul ne ma mie eng' bortang'ung'. Esien mwaet ne lelen, "miondanyun" nebo sugaruk, "miondanyun" nebo ruaetab korotik. Ng'at bortang'ung' komieit---- noto ko magetab Kamuktaindet eng' sobeng'ung', ago imugaksei eng' sobetab Kristo nemi oring'ung'.

### MAONATET NE KIMWACHIN GE

Eng' kainet ne toror nebo Jesu ang'ate ale, nito ko kenyit nenyun nebo butetab sirimok! Mayanjini mianwogik, anan ko korotwek alak tugul, konam bortanyun. Sobetab Kamuktaindet eng' orinyun, komieite komoswek tugul chebo bortanyun, eng' Tamirmrietab Kamuktaindet! Mi komie tuguk tugul eng' bortanyun, ago awendoti eng' mieindab borto. Amen.

### TESETAB SOMANET

Romanik 8:11

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Laitorinik 20:26-22:36

[www.goodnewsdailydevotional.com](http://www.goodnewsdailydevotional.com)



Betutab Mut, Arawetab Ang'wan 18

## TIENDO ENG' ITIKAB KAMUKTAINDET

**1 Korintoek 14:10**

**U kele, mitei kutuswek che chang' che terotin eng' ng'ony, ama mi ne matinyei kit ne iboru.**

Tiendo ko sire kit ne kiboiboenjin kityo. Tienwogik che iepchini it, komuchi kowal ole igertoi ng'ony. Kasarta age ko mi ng'ony walet ne inyorune tiendo, kot ko megeere agot. Agenge ko biretab muguleldang'ung ne walaksei, kosip ge ak tiendo ne igase.

Tos kiigas tiendo ne king'et eng' itik? Yaaksei kou noto ye igas tiendo, ak igetyi konyil che chang'---indo tai kabwatutiguk tienoto, ak koyai kogetyi ge eng' metit. Tiendo kora ko yae borto kocher anyinyindo. Nito ko aroru amune si konamjin ge biik tienwogik. Tienwogik ko tononun.

Mebwat ile "ore tiendo kityo". Tuuget age tugul, ko tinye kit ne iboru, ago tiinye bortang'ung', kabwatutiguk, ak tamirmiriet. Ng'alek che mi tiendo, ko choto che ing'ate ye itieni. Ne siire tugul ko tugosiek koguure tamirmirik.

Chigil tienwogik che igase. Tos ng'o ne igochini chamjinet kondoun--- Kamuktaindet anan oindet? Mwawech Bukuit Ne Tilil kole, kigochin Kamuktaindet kebeberwekab borwekyok. Itiguk ak ole igastoi, ko chechik. Ko anyun ilewen tienwogik che mache kogas itikab Kamuktaindet.

### MAONATET NE KIMWACHIN GE

Akere kong'iik alak tugul, che kichutenon bunyot kobun itikyuk. Ang'etie sirimok alak tugul che kiboisien oindet koratan, kobun tienwogik che ma bo Kamuktaindet. Atilile itikyuk, ole agastoi, ak agas inendet. Atiagat eng' kainetab Jesu! Amen.

### TESETAB SOMANET

Romanik 12:1

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Laitorinik 22:37-53; 2 Laitorinik 1:1-4:28

[www.goodnewsdailydevotional.com](http://www.goodnewsdailydevotional.com)



Betutab Lo, Arawetab Ang'wan 19

## RIB KOLEELIT

### Mariko 7:13

**oyae ng'olyotab Jehovah koek buch eng' biteeng'wong', ne kiong'at: ak oyaе tuguk alak che chang' che u choto.**

Chang' bik che ibwati kole, mamitei kit ne tinye kimnatet kosiir Ng'olyotab Kamuktaindet, kobaten ma u noto eng' iman. Mwawech Bukuit Ne Tilil kole, tinye kimnatet biteet koyai Ng'olyot koek buch. Biteet ko bandab tai ne kagitononsi, ago ngitonosi bandab tai, kerataксеi eng' tuguk che kibo kenу.

Ngibegechige ortinwekab bik, koyain ichilil Kamuktaindet. Ngibegechige atebetab bororiet, kutit, anan ko oretab bik, koyae ichilil kelchinaik, ko I lakwetab Sion. Ye imi kwenutab biteet, ak kit ne yaei Kamuktaindet nguni, ilewen che yaei Kamuktaindet. Ngondoita Ng'olyondenуin kosiir biteeng'wong'. Imuchi koui keyai kou noto kobaten, toretin ing'etu eng' komosta ne litit ak maonatet.

Mitei Kamuktaindet komosta agenge nebo koigenу nguni. Yamdaet ak inendet ko toretin, si meng'etu eng' ole kimi Kamuktaindet. Igochin tuguk che ung'atin, ichek che ingen kobaibai muguleldanуin. Eng' kenуini bo kang'etietab sirimok, igochi inendet kasarta si masiirin che yae eng' nguni.

### MAONATET NE KIMWACHIN GE

Biteet age tugul ne kiratan, ak koyai Ng'olyotab Kamuktaindet koek buch eng' sobenуun, kong'et! Yae Kamuktaindet kit ne leel eng' sobenуun, ago tesoksei magenуun ne atinуen inendet, betut age tugul. Rondo ge ainosiekab berurto, eng' ole ki mi sonatet. Che kigobetyo kewegu eng' kainetab Jesu. Amen.

#### TESETAB SOMANET

Isaia 43:19

#### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Laitorinik 4:29-8:15

[www.goodnewsdailydevotional.com](http://www.goodnewsdailydevotional.com)



Betutab Tisap, Arawetab Ang'wan 20

## MAT NE LEEL

**Tienwogikab Kalosunet 55:17**

**Atigeni, ak arire, koskoleny, ak karon, ak bet kwen: Si kogas kutinnyu inendet.**

Ibwat igochini bortang'ung' kamung'et ne kitigin betut age tugul—noto ko kit ne yae karugutetab ge! U ne ketau ge kogeny. Mebosoksei eng' nyigisindo kityo, kobaten igochin borto kasarta koweek komie. Inaami koisto borto saratik che kiakonaam kochang'a, ak kotoret koisto mwanik che chang'. Chepchebitu meting'ung' ago toretin agot isop koek keny! Kou ye ilelite borto karugutetab ge, ko toretin agine saet kolelit mat! Sobetab Kristianindet, ko nyolu ko mitei saet kotugul, betut age tugul. Kasarta age tugul nebo saet ko kaunet eng' tamirmiriet, ne isto tugukab ng'ony, ak kolit tamirmirieng'ung'. Saet ko ma ng'alalet kityo kobaten konu kergeindab mat. Itinye kimnatet iiste nyigisindo, anan ko tengeкто ne yome koweekyin let.

Kou ye kisa Jesu betut age tugul, ko ye itet kasarwekab saet eng' betut, kotoreti kolelit mat eng' kapkorosung'ung'. Maato koribin ak kogonin sobet ne koi. Ye itinye mat ne nyitat, ko mamitei sirimok che imuchi keraten! Haleluva!

### **MAONATET NE KIMWACHIN GE**

Atiagat eng' kanyaliletab tamirmiriet. Mamitei oindet ne imuchi komenyon, amu mitei Kamuktaindet orinyun! Karonet age tugul andoi kebeberwekyuk kapkorosut. Mat ne mi orinyun, koterteri ng'emisiet age tugul. Mamitei yaiyo ne imuchi kogeswan amu atinye mat ne nyitat! Amen.

### **TESETAB SOMANET**

Mariko 1:35

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 2 Laitorinik 8:16-10:24

[www.goodnewsdailydevotional.com](http://www.goodnewsdailydevotional.com)



Betutab Tai, Arawetab Ang'wan 21

## KAUNETAB TAMIRMIRIET

### Epesoek 4:31-32

**Ingoistogei eng' okwek ng'wanindo tugul, ak nyitattet, ak neregek, ak bolattet, ak chubisiet, koboto yaitiet tugul: ak otebi eng' talasiet okwege eng' okwege, orirege, ak onyochinige kaat, ko u ye kinyoiywok kaat Jehovah agine eng' Kristo.**

Eng' somanetab kaunetab kerichek, ne noto ko tiinye ge ak sumu ak asenet ne konu, koboru kole sumu che chang' kobeete kimnatet ngo tesetai kowendi kasarta. Ago eng' kaunetab tamirmiriet kegeere imanet ne teer. Ye metinye nyoetab kat ko ma kergeri ak sumu, amu tesetai koyaitu ak kong'wanitu ye tesetai kowendi kasarta. Nito koguren Bukuit Ne Tilil sumu chebo ng'wanindo.

Nyone ng'wanindo ye mamitei nyoetab kat. Imurite tamirmiriet. Noto anyun si kocham amwae ale ye menyochi chi kat, kou ne iyee sumu ak ikany chichoto kome. Ng'wanindo konaamen koimin, yeityo koityi biik che omi tugul. Kou ye mwae Bukuit Ne Tilil, ko ng'wanindo komurite che chang'.

Tawet? Mat irat kachililutik, utyen eng' chokyinet. Ma nyolu kotieen ge chito ne kalelun, ngo kasom nyoetab kat anan kawal atebenywan. Ng'atech Kamuktaindet kenyochein ge kat. Noto ko lewenet ne iibe, si ikonyit Kamuktaindet. Kigiyain eng' kergerindanyin, ago nyochin kat bik buch---ko anyun iyai aginye kou noto.

### MAONATET NE KIMWACHIN GE

Eng' kainetab Jesu atiachi chi age tugul, ne ki arat amu ma anyochi kat. Atiachi kachililutik tugul ak ande taban ng'wanindo tugul, neregek, ak atebet ne manyochini bik kat. Ma kimurite tamirmirienyun. Aleweni anyochi bik kat. Ma ko a ratat eng' otwognatetab ng'wanindo! Haleluyah!

### TESETAB SOMANET

Hebranik 12:15

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Laitorinik 10:25-14:10

[www.goodnewsdailydevotional.com](http://www.goodnewsdailydevotional.com)



Betutab Aeng', Arawetab Ang'wan 22

## TONONJINETAB AMITWOGIK

**Kalewenaik 23:2**

**Ak inde rotwet moktang'ung', Ngo i kipkeiya.**

Ibwat iwendi ole mitei amitwogik che chang' che terchin, ago chobotin konam kabwatutiguk. Noto anyun ko kit neu amitwogik che chang' chebo betusiechu. Kipsomaninikab amitwogik ko kiib kenysisiek che chang', koyae tuguk che kitesyin amitwogik, si kobiit kocham ng'elyeptang'ung'---tuguk che iyanjindos munyuk, sugaruk ak mwaita, si kobit iwege iteeb alak. Tuguchoto koyae borto kogas anyinyindo, ak koyai kabwatutik komakyi ge tuguchoto, ak kouit ole kitonoisito.

Chigilosiek che sire 1,000 koboru kole, amitwogik cheu choto mi tuguk che ketesyin, ko tiinye ge ak mianwogik che chang'. Togu komie kole amitwogichoto kororon mising' ko ma tangoi--- amu tese tai koyae bik che chang' konaita amisiet.

Biik che eechen eng' Kamuktaindet koyani kole, amitwogik ko muset eng' tamirmiriet. Ago inyoru che chang' kowalen kimnatenywa nebo kapkorosut amitwogik, ye inaami kochutyin amitwogik che ma kororon eng' borto, ago tese nyigisindo agot eng' tamirmiriet. Amu imuchi iam kiy, ko ma iboru noto kole tinye kioto kamanut eng' borto. Boisien naet ak inaita ilewen tuguk che teeche bortang'ung' ak tamirmiriet.

### MAONATET NE KIMWACHIN GE

Aname chametab Kamuktaindet nebo bikiyik, ariib tuguk ak ole aamisioitai. Ma boiwon amitwogik. Magetab amitwogik ne ma kararan, anaami atononjini. Kanamonik alak tugul chebo amitwogik kong'eetos eng' keniyini. Yatatin konyekyuk, ma keng'aloon kogeny!

### TESETAB SOMANET

1 Korintoek 6:12

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Laitorinik 14:11-17:18

[www.goodnewsdailydevotional.com](http://www.goodnewsdailydevotional.com)



Betutab Somok, Arawetab Ang'wan 23

## ATINYE KONYEK CHE KEERIN KITYO

**Tiende ne siirei tugul 6:3**

**A bo chamanennyu, ak ko nenyu chamanennyu: lyagisie eng' ole mi taptok..**

Tos ibwati chamaneng'ung' ne tai? Igase iloitu uon imi emet age, ne kororon tuguk tugul ago mitei sobet oloto. Kasanoto weeche ge moet, ak kolabati muguleldo eng' tinyaet ne kitigin, ak kayomisutik che ma begu eng' nyimet age tugul. Noto ko chamnyet ne makyin ge Kamuktaindet ak inye. Ago imugaksei.

Biteetab rani ko kichamji bik kobaibai ge kityo, ak kometo alak katunisiet nebo bik aeng', yeityo koyae chamnyosiek ak biik che terjn. Kigometo katuiyet ne bo iman nebo tamirmiriet, ak kochutyi chamnyosiekab kemout agenge, ne noto ko ng'ogisto ama chamnyet nebo iman.

Imuchi itau chamnyet nebo iman ak yaindetab Kipsengwet ak ng'ony. Noto anyun ko yaetab chamnyet ak Kamuktaindet. Inaamen itabanji inendet kasarta. Ng'alaljin eng' katiaget, mwachin boiboiyeng'ung, nyogorieng'ung, ak tetutiguk---meutyen ieb it. Ibarten chamnyeng'ung' eng' kalosunet ak kasetab it. Ye iyae kou noto, orikyini ge, ak igeer inendet eng' ortinwek che leelach, ak igeer boiboiyet ne mi eng' chamnyet nebo iman ak yaindeng'ung'.

### MAONATET NE KIMWACHIN GE

Ng'alalun muguleldanyun. Awekyini ge chamnyenyun ne kibo tai, asubi yamdaet ne bo iman ak Kamuktaindet. Rani ak betut age tugul, atabani kasartab yamdaet ak Kamuktaindet. Abo Kamuktaindet ago nenyun Kamuktaindet. Amen.

#### TESETAB SOMANET

Ng'ang'utiet 2:4-5

#### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Laitorinik 17:19-19:24

[www.goodnewsdailydevotional.com](http://www.goodnewsdailydevotional.com)



Betutab Ang'wan, Arawetab Ang'wan 24

## TYEMAT AK MAT

**Romanik 12:11**

**Eng' kagiiletab ge amochoriren; ogiilge mising' eng' tamirmiriet, oote Kiptaiyat;**

Mat ko kimnatet ne tyeme tuguk tugul che katiiny, ak koboor imanitab tuguchoto. Chumoinik keyaen ak kigimiten mat, kobaten ngo tuiyo mat ak ketit, kowalaksei koek orek, ak noto koboru kamugenyin. Mat ko ma igesu tuguk kityo kobaten bele ak koisto simdo---tuguk tugul che ma bo iman---ak kobagach che bo iman. Memuchi iberbeer mat.

Sobet ne mamitei mat komuchi koyai chi konyoor kanetutik che bo lembech, ak kaberberisiet eng' tamirmiriet. Che iimaksei mising' ko Kristianik che matinye tononet, ichek che tinye togunet ne uon bo iman, kobaten matinye kimnatet eng' tamirmiriet. Mat ko Konu burkeiyet ago ma burgei, mi aeng' kolale kobebe bik anan komisot.

Mache Kamuktaindet bikyik koek terenikab mat, ama kayonik che togu kityo, ama tinye kiy age tugul. Ye itinye mat ne nyiitat ko ma imuchi koberberin chi. Ingolal tamirmirieng'ung betut age tugul. Tes mang'ung' eng' saet. Mache isiir sobet ne mi ng'onny nebo Kristianik, ak iityi sobet ne nyitat kimnatet ak mat, ago laldos kaberberisiet tugul koek orek!

## MAONATET NE KIMWACHIN GE

Ang'ate ak amwae ale eng' kenyini bo kang'etietab sirimok, ko maegu koitab ma ne matinye mat. Ye alali mat eng' sobenyun betut age tugul, ko laldos mogornatosiek tugul. Lale sobenyun eng' kimnatetab Kamuktaindet, ak kotook eng' biik tugul eng' kainet ne toror nebo Jesu!

## TESETAB SOMANET

Matayo 24:24

## CHERSET KESOMAN BUKUIT NE TILIL ENG' BETUSIEK 365

Somanetab rani: 2 Laitorinik 19:25-23:9

[www.goodnewsdailydevotional.com](http://www.goodnewsdailydevotional.com)



Betutab Mut, Arawetab Ang'wan 25

## BOISIET ENG' KORORONINDO

**Kalewenaik 12:24**

**Bounisie eutab ne igiilegei; Ago kibirjin chito ne choriren kobois.**

Iboruech Bukuit Ne Tilil bunyot ne unye ge ne noto ko chorirnotet. Eng' kanamet igase imi komie ye isiptoi boisioniguk, ago ko tomo inai kit ne tese tai, ko kagonamin ruondo kitigin, ak kanuuget kitigin, ak eng' yoto koityin bananda kou rebindet.

Chorirnotet koyatyin chi otwognatetab besendo, kaimetab ge ak kabutet. Kamang'unet ak tetutikab bandab tai koyamtos, ak konyas ko kagoratak eng' sobet ne ma makyin ge. Siret ko togu ak koboru komie, chorirnotet ko oret ne tokyin ge otwognatet.

Bananda ko maname ge ak kagiletab ge, ne noto ko boisiet ne kararan. Kagiletab ge kogonu ng'etutik agot ko tomo inyoru walutik che miachen. Eng' komosta age, boisiet ne kararan ko iboisien tuguk che nyolu, ak tetutik che nyolu si iyai boisiet komie, ago eng' oret ne nyumnyum. Boisiet ne kararan komache tetutik kinde tai ak keboisien tuguk che nyolu si kotoretin isuldaen boisiet eng' kimnatet ne mi ng'ony. Yai boisiet eng' kororonindo ago indoi eng' kenyini!

### MAONATET NE KIMWACHIN GE

Aesioi ame ko matinye kiy! Aesioi tamirmirietab chorirnotet, ago aleweni abois eng' kororonindo. Ye asae ko tetutik che aboisien ko bo Kamuktaindet. Eng' naenyin, atete ak ande tai, ak aboisien tuguk che nyolu eng' boisiet komie. Ng'etat besendo! Loitu bananda eng' ane, ago awendi barak ak ando eng' bandab tai, ak chang'indo eng' tuguk tugul che ayae! Amen.

### TESETAB SOMANET

Kalewenaik 24:33-34

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Laitorinik 23:10-25; 1 Ateptab Betusiek 1:1-16

[www.goodnewsdailydevotional.com](http://www.goodnewsdailydevotional.com)



Betutab Lo, Arawetab Ang'wan 26

## INDE TAI CHE NYOLU KO MI TAI

### Pilipik 3:8

**Ee iman, ak aiiti tuguk tugul koek tugun che kigobetyo amu telunatet ne bo naetab Kristo Jesu, Kiptaiyandennyu: kigobetwa tuguk tugul amu inendet, ak aiiti ale busagariek, si kobiit anyor Kristo,**

Ki amwa atindeniot agobo ole kimong'jindo Kamuktaindet Jesse Duplantis, chitab Kamuktaindet nebo boiboiyet. Ki kemout sait sogol, ye kichut Kamuktaindet gotab Jesse, ak koguur inendet kolenji "Ng'eet". Kiyat anyun konyekyik kota kobirto met, ak kowol inendet eng' oret ne mile bik kole, "Kamuktaindet ami ruonik, kalyan si menyon sait ang'wan". Kowol Kamuktaindet kolenji, "Kama itinye kasarta amu kegeere television."

Ibwat anyun noto! Kitete Kamuktaindet komong'ji Jesse, ko tomo koba saisiek, kobaten kiratat inendet eng' keretab television, kotestai kogoito tuuyenyin ak Kamuktaindet. Eng' tuuyet ne u nito kegeere kole, kimuchi kichilil tuuyet ak Kamuktaindet, ye mitei kabwatutikyok boiboiyetab tugukab ng'ony. Kanyol anyun eng' achek tugul, kecheng'jin Kamuktaindet kasarta, ak kinde tai mitunenyin ne kata tuguk alak che chang', che ibeetwech kabwatutik ak kasarta.

Eng' kenyini bo kang'etietab sirimok, ichepchebitu eng' Kamuktaindet ak icheng'ji mitunenyin kasarta. Toretin saet iepchi it kursenyin ak kasartanyin. Kou ye kindoi tai tuguk chebo kamanut eng' sobet, ko nyolu agine kinde tai cheng'etab Kamuktaindet.

### MAONATET NE KIMWACHIN GE

Ang'ate kasibetab tugukab tamirmiriet eng' sobenyun. Ang'ate ak amwae ale, machililii tuuyenyun ak Kamuktaindet eng' kenyini, eng' kainetab Jesu! Amen.

### TESETAB SOMANET

Kolosaik 3:2

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Ateptab Betusiek 1:17-3:9

[www.goodnewsdailydevotional.com](http://www.goodnewsdailydevotional.com)



Betutab Tisap, Arawetab Ang'wan 27

## MA RATAKSEI

### Mariko 5:3

...ak kima komi chi ne kita komuchi korat inendet, agot eng' sirimdo...

Kong'eete keny, keboisien sirimok kinyalil bik, ak keteere katiagnatet ak bandab bik. Kigirote mutwarik kelyek ak sirimok che nyigisen, ago boletab chumoinichoto, ko kiiboru chorsetab katiagnatenywa. Ago eng' rani koboisien korgorosiek ratutik che bo moet ak eunek, si kobit koteer kimonjororinik ama bendat. Agot ratutichoto bo betusiechu, koboisie kou chu kibo keny, koyai bik koek buch.

Eng' Mariko 5 kesomani agobo chi ne kitinye oik. Mwaei Bukuit Ne Tilil kole mamitei chi ne kiimuchi koteer inendet---kima koratakse agot eng' sirimdo. Ngot ko kiigochin oik chemengech kimnatet neu noto kikwong'en, ibwat anyun kimnatet ne itinye eng' Jesu, ne ing'etie sirimok, ago menye oring'ung'!

Tonon anyun eng' kimnatetab katiagindeng'ung'! Inendet ne iilat komenye oring'ung'. Itinye kimnatet. Mamitei oindet ne imuchi koratin, mamitei sirimdo ne imuchi koteerin. Ang'ate ak amwae ko a Maotiot ale, chogit age tugul nebo kanyalilet eng' sobeng'ung' ko ile! Ang'etie chutetab ge age tugul nebo setani!

### MAONATET NE KIMWACHIN GE

Ang'ate ak amwae ale ayae tuguk tugul eng' inendet ne iilat ago konon kimnatet mwaitanyin. Ildos chogisiek tugul! Mamitei kiy ne imuchi koteer bandanyun. Awendoti keniyini. Mamitei kawiset age tugul nebo oik, ne imuchi kochutyi ak koteer mung'arenyun, chamnyenyun, kuursenyun anan ko fedaisiekyuk. Ma ratakseii eng' kainetab Jesu! Amen.

### TESETAB SOMANET

Isaia 10:27

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Ateptab Betusiek 3:10-6:30

[www.goodnewsdailydevotional.com](http://www.goodnewsdailydevotional.com)



Betutab Tai, Arawetab Ang'wan 28

## KIT NE TESE TAI ENG' KATUNISIET

**Hebranik 13:4**

**Ingogonyit tugul katunisiet, amat koek itogut ne tinyei simdo: amu tun iruokyin Jehovah che soksei ak che ibegei...**

Chang' che sase katunisiet ak koguren alak korgoret, ak kobwati kole otwognatet katunisiet kosiir chutetab ge. Agot eng' kabwatet ne mi let kou noto, koboru chigilet kole murenik che mi eng' katunisiet, ko boiboi kosiir, ago saptos ichek keny. Mile bik amu ma u noto eng' osotik. Imuchi kong'ol chigilet age nebo ng'ututet.

Ng'ututet komuchi kogimit katunisiet, amu iboru kasutik che ma imuchi koboore ge eng' ng'alek. Ng'ututet ko mi kit ne ito borto, yaei metit kobaibai borto, ak kotoret kasutikab borto kogimit katuiyet ak boiboiyet. Nganda chon kou atindenikab chamnyet, ko ng'ututet kitigin komuchi kowal katunisiet ne kibwatyin kele u korgoret, koek katuiyet ak chamnyet nebo iman. Ko anyun ne kata itangoe ak ibwati ile I ratat, ineet ke ing'utut chamaneng'ung' rani. Konu noto terchineta chi ne kose uon ratat, ak chi ne kose kotinye katuiyet nebo iman.

### **MAONATET NE KIMWACHIN GE**

Ang'ate ak amwae ale iberurot katunisiyenun, ama nyigisindo. Agonyiti chamanenyun, ago tononen chamnyetab Kamuktaindet katunisiyenun. Ang'a'ali boiboiyet, kalyet ak chamnyet nebo iman eng' katunisiyenun, eng' kainetab Jesu. Amen.

### **TESETAB SOMANET**

1 Korintoek 7:3

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 1 Ateptab Betusiek 6:31-8:28

[www.goodnewsdailydevotional.com](http://www.goodnewsdailydevotional.com)



Betutab Aeng', Arawetab Ang'wan 29

## KAYANET NE MA KITUMDUMI

**Jeremia 20:9**

**Ak ngot amwa ale, Mamwae kiy agobo inendet, anan ang'alal eng' kainennyi, kobiit anyun eng' muguleldanyu ko u mat ne lalei eng' kowekyuk, ak ang'et eng' muitaet, ak mamuchi asis.**

Eng' chametab Kamuktaindet, ko kigoet kanisenyon kot kosiir bik milionisiek 3.2, nganda ki ma inamen yoto. Ki mitei uinwek, kewelutik ak kasarwek che kigitinye kayanet inegei. Ki kayanet ne magitumdumi--- kayanet ne mwae kole, "Angen ale mameton Kamuktaindenyun!"

Kiingen Jeremiah ng'wanindo ne mi ngemeten anan kiberberin, agot eng' arorutikab Kamuktaindet. Ago mat ne kitoret inendet kotes tai. Ye sasin bik che omi tugul anan ko ma iguyen, anan koesien agot che otupche, ko matab Kamuktaindet ne toretin. Agot nda eesien sigikuk anan ko choronok, ko nyolu kong'et kayaneng'ung' amat kotwo.

Kayanet ne magitumdumi, ko ma tiinye ge ak kimnatet kityo ne kiyaaen kwong'utik, kobaten boto kimnatet ne bo muitaet, ak ng'etunet eng' ole imi, agot ye tese tai kobutoksei tuguk tugul. Tes tai ing'any kayomisutikab Kamuktaindet, matin ko nee ne tese tai. Atyakyin kayanet ne ma kitumdumi, ne toretin ing'etu itononi matin kaityin nee eng' kenyini!

## MAONATET NE KIMWACHIN GE

Ang'ate ak ang'anye ale atinye kayanet ne ma kitumdumi. Magoi kisipton anan kiterteran. Imuchi konyo usonet anan ko kirindaet, kobaten ang'etu atononi. Muito ak kototerisie kayanenyun ago keere kayomisutikab Kamuktaindet eng' sobenyun. Amen.

## TESETAB SOMANET

Jakobo 1:2

## CHERSET KESOMAN BUKUIT NE TILIL ENG' BETUSIEK 365

Somanetab rani: 1 Ateptab Betusiek 8:29-11:21

[www.goodnewsdailydevotional.com](http://www.goodnewsdailydevotional.com)



Betutab Somok, Arawetab Ang'wan 30

## TILET NE KAGIYONJIN

**Komong'u 23:22**

**Ago ngigas it ng'alekyik, ak iyai tugul che amwaun; aegu anyun bunyotab buniguk, ak aegu usindetab che usin.**

Kenyini kosirto eng' biretab ge ne ki kigeni mising', ko kibir Jake Paul, chi ne ki ui kibel ne kainenyin ko Mike Tyson. Tyson ne kitam kogonu kamuiset eng' mugulelwekab urerenik che chang' eng' ng'ony, ko kigimuch ak kesindan. Tilanato kigiyanjnin agobo biretab Tyson ko kiek ng'alek che ng'wanen eng' inendet ne kitam komuee bik. Kou noto agine, bunyot age tugul ne kitam komuin, ko kagorik betunyin nebo biret.

Lelut ne o ne yaei bunyondeng'ung', ko kobwat kole kagochililen. Amu imuchi kogae ge Kamuktaindet mugetut, kobwati kole kagochililyo. Kobaten tinye Kamuktaindet kerenyin nebo iman ak kiruoget. Kou ye rang'u ge ropta eng' bolik che nyitatin, ko rangjin iman biret buniguk. Tinye Kamuktaindet kasarta tugul eng' ng'ony koriich mestonok, ago ma kibou.

Ma tinye Kamuktaindet bunik amu o mising' kosir choto! Ago mwae eng' Sirutikyik kole, buniguk ko igu bunikyik. Mat ibet kimnatet eng' bik che muse bik. Wekteun Kamuktaindet mugetut, ago igu walutik che kagiyanjnin kele ka ibelisie!

### **MAONATET NE KIMWACHIN GE**

Bunikyuk ko bunikab Kamuktaindet, ichek che onoton ko one Kamuktaindet, amu mi Jehovah kobaton. Eng' kamuktaindet ko ane ne tilu eng' let, ago igu tilanoto ne kagiyonjin. Kaabelisie! Amen.

### **TESETAB SOMANET**

1 Samuel 2:1

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 1 Ateptab Betusiek 11:22-15:29

[www.goodnewsdailydevotional.com](http://www.goodnewsdailydevotional.com)



Betutab Ang'wan, Arawetab Mut 1

## CHOBET NE BUNU SAET

### Taunet 1:2

.... kiwendoti Tamirmirietab kamuktaindet baragutab beek.

Ngokiet ne mache kosieb, ko tebeen mainik agoi kogeeny. Eng' kasarato siebe, ko kolgol ago ribe mainichoto. Eng' oritab mayat ko yaaksei aruet, ak kochobok kogeeny yeit kasarta.

Kou noto aginye, ye ichut ole isaen, ko kechut kasartab siebet si kobit ichoboke. Noto amu nee si cham amwae ale saet ko ma bo imwachi Kamuktaindet, saet ko bo etuneng'ung'. Noto ko kasarta nebo kamanut, ne itese tai ietu, ye omi eng' yamdaet ak Tamirmiriet Ne Tilil. Ago ye kaigong' igase ko kaibelisie ak igeenyage! Mat ichokyi ge imang'u ko tomo kogeas ge. Chamjin kosyeb tuguk che imakyini ge.

### MAONATET NE KIMWACHIN GE

Awekyini ge oldanyun nebo saet, tese tai kowalaksei sobenyun ago amang'u ak abelisie, eng' komoswek tugul eng' kainetab Jesu! Amen.

### TESETAB SOMANET

Romanik 12:2

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Ateptab Betusiek 16:1-19:9

[www.goodnewsdailydevotional.com](http://www.goodnewsdailydevotional.com)



Betutab Mut, Arawetab Mut 2

## TONONJINIKAB KIPSENGWET

### 2 Korintoek 5:20

**Noto anyun ki tononjinik agobo Kristo, ko u ye igoigook Jehovah eng' achek; kigoigook agobo Kristo, kele otuiyege ak Jehovah.**

Ng'ang'utiet ko ma naet ne ingen kobaten noto ko naet ne iboisien. Eng' rani ichamji ng'ang'utietab sirutietab rani, koek imanit eng' sobeng'ung'. Igeere ile sirutioni ko ma bo kityo tononjinet nebo Kipsengwet eng' ng'ony, kobaten kasarta ne kiitach Kristo, ko kiiegu weritab Kamuktaindet. Kiisir chito ak iegu kaborunetab Kipsengwet! Iboru kole aniwendote, kowendote kipsengwet. Aning'alal, ko kipsengwet ne kang'alal! Ma iboisien ng'atutikab ng'onyuni, ama imi kureretab atebetab ng'ony. Ng'etyin anyun imaninito ak inaam inyoru keljinaik che itinye, ko I tononjinindetab kipsengwet. Eng' gong'ung' ko mamitei kebebertab rarunet, ak mianwogik, ak kereretab met. Ye mi kasarta ne kararun kiy, icheru eng' kipsengwet ole ibunu, ak igeer kobitu eng' ng'onyuni.

### MAONATET NE KIMWACHIN GE

A tononjinindetab kipsengwet. A kaborunetab Kipsengwet eng' ng'ony, ago aboisien ng'atutikab Kipsengwet eng' kainetab Jesu! Amen.

### TESETAB SOMANET

1 Petero 4:11

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Ateptab Betusiek 19:10-23:11

[www.goodnewsdailydevotional.com](http://www.goodnewsdailydevotional.com)



Betutab Lo, Arawetab Mut 3

## RAISI KOSOBET

**Matayo 15:26**

**Ago kiwol kole, Ma mie kerebe lagok kimoikwak ak kewirji sesenik.**

Eng' sirutioni bo rani, ko kiirogen Jesu kosobet kimoik, ye kingonyo kobogoriot nebo kanan, kosom kosobetab cheptanyin ne kiriache oik. Kigeer inendet kosobet kou amitwogikab lagokab Israel, Eng' Spirit Embassy ko kigenaite ak kinde mogubet, mwaet kole "raisi kosobet", amu kasarta age tugul ye bwane bik tuyosiekyok, konyoru kosobet eng' mianwogik che terjin eng' kainetab Jesu! Ukimwi, kansa, koratet, itik che timatin, sonatet ak mianwogik alak che terjin konyoru kosobet.

Ko I Lakwetab Kamuktaindet ko ma nyolu kota imioni. Tach kosobeng'ung' rani eng' kainetab Jesu! Muiten ak iyan korosiotab Kamuktaindet ne kigoyai inendet. Kilipanwech sorunet eng' kagesunet.

## MAONATET NE KIMWACHIN GE

Eng' birenyin ko kiginyoru kosobet! Kong'eete yoto asobe eng' mieindab borto. Ma amioni betut age eng' sobenyun, eng' kainetab Jesu! Amen.

## TESETAB SOMANET

1 Petero 2:24

## CHERSET KESOMAN BUKUIT NE TILIL ENG' BETUSIEK 365

Somanetab rani: 1 Ateptab Betusiek 23:12-26:19

[www.goodnewsdailydevotional.com](http://www.goodnewsdailydevotional.com)



Betutab Tisap, Arawetab Mut 4

## STETMEN NEBO BENKITAB KAMUKTAINDET

**2 Petero 1:3**

**Amu kigonech kamuktaetab Jehovah tuguk tugul che nyoljin sobondo ak kaiyweet ne kiywei Jehovah, eng' naet ne kinae inendet ne kiguurech eng' torornatennyi ak mieindanyi;**

Kin koyae Jehovah Kipsengwet, kogeer kole kiinde tuguk tugul ko tomo koyai Adam. Ye kibun Adam ng'atutik, konyo Kiptaiyat ago sorunindet, ne noto ko Jesu Kristo, si kobiit koweekyech torornatet ne kigitinye eng' tai, ole kima komi rarunet ak mianwogik kobaten kityo, yamdaet ak Kamuktaindet.

Eng' yon anyun ko tuguk che chang' che kaginwagit, kobaten ng'etu imanit. Eng' Kristo ketinye tuguk tugul che nyoljin sobondo. Agot sobetab ng'ony ne kibo Jesu Kristo, ko kiek eng' achek koborunet nebo sobet ne nyitat, amu kibun inendet sigiriet ne ki atebetab Laitorinik kasarato, ago kiilachi inendet ngoroik che kororon, che kibirchi ge askarikab Romanik, ago kitinye ine fedaisiek che kiyome kobai bik che sire 5000.... Chang' anyun tuguk che kiyai.

Nito ko borotet ne kimeteun. Kiy age tugul ne imache, isir Jesu, ago inyoru!

### MAONATET NE KIMWACHIN GE

Aberurot ak tuguk tugul che amokyini ge eng' soboni. Atinye eng' eunekyuk, eng' kainetab Jesu!

### TESETAB SOMANET

Johana 10:10

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Ateptab Betusiek 26:20-29:19

[www.goodnewsdailydevotional.com](http://www.goodnewsdailydevotional.com)



Betutab Tai, Arawetab Mut 5

## NG'OLYOTAB KAMUKTAINDET ENG' BANDA

**2 Korintoek 3:2**

**O baruennyo ne sirat eng' mugulelwekyok, ne naat ak kosomani bik tugul;.**

Tos kiiepchi it tiendo nebo kanisenyon noto ko GoodNews World anthem? Mitei ole mwae kole, "Kitinye ng'atutiet....ki Ng'olyotab Kamuktaindet eng' banda, koborunoik ak kwong'utik."

Mwae sirutietab rani kole ki baronok che siratin, ki Ng'olyotab Kamuktaindet eng' banda. Olda tugul ole iwendoti, iamdoi Ng'olyot agot ko tomo ing'any kutit. I lapkeiyet ne letyeni eng' mesundeito, I kaborunet ago I kwong'utiet. Animosu, komosu Jesu!

Eng' rani anyun ibabait betutab chi. Igun kamang'unenywa. Cher chi eng' ng'olyot noto iiboti. Ingokas ng'ony, chamnyetab Kamuktaindet eng' inye. Kigerong'ji chamnyetab Jehovah muguleldang'ung. Ye iyae kou noto inyoru chang'indo eng' sobeng'ung'.

### MAONATET NE KIMWACHIN GE

A koborunetab Ng'olyot. Aibe kamang'unet, kalyet ak chamnyet eng' olda tugul ole awendi. A Ng'olyotab Kamuktaindet eng' banda, eng' kainetab Jesu! Haleluyah!

### TESETAB SOMANET

Hebranik 10:16; Romanik 10:15

### CHERSET KESOMAN BUKUIT NE TILIL ENG' BETUSIEK 365

Somanetab rani: 1 Ateptab Betusiek 29:20-30; 2 Ateptab Betusiek 1:1-4:10

[www.goodnewsdailydevotional.com](http://www.goodnewsdailydevotional.com)



Betutab Aeng', Arawetab Mut 6

## KESWOT NE MA NG'EMAKSEI

### 1 Petero 1:23

amu kigesichok kogeny, ma eng' keswek che ng'emaksei ago eng' che ma ng'emaksei, eng' ng'olyotab Jehovah, ne sobei ak kotebyei.

Ye kiitach Jesu Kristo, kesig tamirmirieng'ung kobun Kipseng'wet, eng' keswot ne ma ng'emaksei nebo Kamuktaindet, ak ibunji koigeny. Tuguk che kigiyaen bortang'ung' (DNA), ko ma ng'emaksei. Mie aniteech naet eng' imaninito. Ye inam noto, ko ma imioni betut age eng' sobeng'ung' agoi koigeny. Haleluyah!

Mamitei ole imukto ge kong'em kansa anan ko Ukimwi, keswotab Kamuktaindet. Kobaten ibe anyun kosunet eng' imanit, inai kole mamitei miondo ne tinye chamjinet, kochut borto ne menyé orit tamirmirieng'ung. Sorunet ne kiinyoru ko kiweekyin atebet, ne ma nyolu ko mi kiy ne rarunot, anan ko mi kiy ne ng'etunot, ago anyun inaam ing'at bortang'ung', konaam kosub ge ak imanitab tamirmirieng'ung'.

### MAONATET NE KIMWACHIN GE

Kigesichon eng' keswot ne ma ng'emaksei nebo Kamuktaindet. Akirindoi mianwogik alak tugul eng' sobenyun. Mamitei kiy age tugul ne raru, anan ko bet eng' sobenyun, eng' kainetab Jesu! Amen.

### TESETAB SOMANET

2 Korintoek 5:17

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Ateptab Betusiek 4:11-7:22

[www.goodnewsdailydevotional.com](http://www.goodnewsdailydevotional.com)



Betutab Somok, Arawetab Mut 7

## **SOBET NE MI BARAK**

**Amdoindet 10:7**

**Kiageer otwogik kolanyi mbartanyisiek, ak kobunei kelyek bounik ko u otwogik eng' ng'onu..**

Ibwat ko I sigindet, igeere lakweng'ung' kosobe sobetab somset, ago ne kiigochi tuguk che sire che kimakyin ge, si kosop sobet ne mi barak ne ma raru kiy! Ama noto kityo, ibwat igeere mogornotet ne kiimetechi inendet, koboisien bik che nyolu ko otwogikab lakweng'ung'.

Ibwat anyun ng'wanindo ne tnye Kamuktaindet, ye keere lagokyik ko banandos, ak kosome inendet, komang'is ichek eng' kewelutikab sobet. Ago ne kiigochi tuguk tugul che makyin ge eng' chang'indo. Ingoek rani betut ne walaksei atindeniot eng' sobeng'ung', ye ing'eeti chemosit ne mi oring'ung, ak iyumchige tuguk che nyolu ko cheguk. Togosten iityi sobonato mi barak eng' borotet, ak ibounisie eng' kainetab Jesu.

### **MAONATET NE KIMWACHIN GE**

Kigi kurchon sobetab chang'indo. Eng' kenyini bo che ing'etie sirimok, ko ma boton rarunet. Mi tuguk tugul komie eng' sobenyun, ago atinye borotetab Kamuktaindet eng' kainetab Jesu! Amen.

### **TESETAB SOMANET**

Hosea 4:6

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 2 Ateptab Betusiek 8:1-11:12

[www.goodnewsdailydevotional.com](http://www.goodnewsdailydevotional.com)



Betutab Ang'wan, Arawetab Mut 8

## KUTUSWEKAB MAT

### Matayo 3:11

... ibatisanok inendet eng' Tamirmiriet ne Tilil ak mat.

Kabatisanetab Johana ko kibo beek amu eng' sigunet, ago nebo Kiptaiyat Jesu ko kibo Tamirmiriet Ne Tilil ak Mat. Kigeng'ochin ak Tamirmiriet ak mat, choto tugul ko kimnatet ne yame imandaen kewelutik che mache koteerin

Ye ing'alali ko ma kimnatet ng'aleguk kobaten ibote kimnatet ng'alechoto. Kimnatanato komong'unen oldab saet, oldab kabwatet. Kou ye kiigere Kiptaiyat Jesu konyone eng' tulwet, ak kong'at tamirmirik che muruonen komanda, ko kong'eete rani ye itese tai isoe, inaam irib ng'alaleng'ung', amu tinye ng'aleguk kimnatet ne imuchi kowal sobeng'ung. Inaam igeer eng' kabwatutiguk, agot ye isae eng' kutuswek alak, igeer uindang'ung kochote eng' mat.

Agot waletab sobonwek kobwanji Kamuktaindet, ko nyumnyum ye tinye mat ng'alaleng'ung. Ibe ng'aleguk kimnatet ne wale mugulelwek, ak kabwatutikab bik kobwanji Jesu Kristo.

### MAONATET NE KIMWACHIN GE

A ng'alalindetab mat. Nyitat kimnatet ng'alekyuk. Kasarta age tugul ne ang'alali, kowalaksei mugulelwekab bik, kosopcho che miandos, ak koyaak kwong'utik eng' kainetab Jesu! Amen.

### TESETAB SOMANET

Romanik 1:16

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Ateptab Betusiek 11:13-15:19

[www.goodnewsdailydevotional.com](http://www.goodnewsdailydevotional.com)



Betutab Mut, Arawetab Mut 9

## RIRENOSIEKAB KAMUKTAINDET

### Rirekab Jeremia 3:22-23

**Ki rirenosiekab Jehovah kityo si ma kigeswech, amu mararu rirenosiekyik. Leelachen rirenosiekyik karonet age tugul; o imandang'ung'.**

Chamnyet ne ting'enech Kamuktaindet, ko ma tinya kiwatosiek, agot ye kita ko ki kiptengeginik, kome Kristo agobo achek. Agot eng' kabwatutik, kayanosiek, ak bitosiek che terjin, ko kichamech inendet, ago kanye eng' muiatet keweekyin ge inendet. Agot ye kiweekyi ge inendet, ko leelachen rirenosiekyik karonet age tugul, ak konyoiwech kat kachililutikyok.

Bo kamanut ketebi eng' naet agobo chamnyet ne ting'enech Kamuktaindet. Ketebi eng' naet agobo katiagnatet ne kitinye eng' betusiek tugul. Nito ko ma chamjinet kesop sobetab tengekto, kobaten ye itinye naet agobo noto, inaami iwendoten tamirmirianato bo chamnyet. Esien bunyot amu yain ing'etu eng' oldab tengekto ak igikyini ge.

### MAONATET NE KIMWACHIN GE

A laptetab kondab Kamuktaindet. Mamitei kit ne imuchi kobeesion eng' chamnyenyin. Asobe sobet ne naat berurto, eng' kainetab Jesu! Amen.

### TESETAB SOMANET

Romanik 8:35-39

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Ateptab Betusiek 16:1-20:13

[www.goodnewsdailydevotional.com](http://www.goodnewsdailydevotional.com)



Betutab Lo, Arawetab Mut 10

## KARIK CHE CHAME JEHOVAH

**Jeremia 51:20**

**Inye ko i aiywennyu ne bo boriet, ak karikab luget: ak atonatoni bororiosiek eng' inye; ak abar bounatosiek eng' inye;**

Ibwat kole ye name motyenyin Kamuktaindet, kocher karik che boisien eng' boriet, ko inye ne inemu. Inye ko I karik che chame! Ngo mache kosoob chi, anan ko logoiywek che miach che mache koyapta, anan ko fedaisiek che mache kigoito koityi boisietab bounatet, ko inye ne name. Inye ne kuure Kamuktaindet isuldaen magenyin.

Nyolu koborun noto kole mamitei kit ne kergei ak chitugul eng' inye! Inye ko I Supaman eng' Kristo (Korintoek 5:17), ago noto ko kit ne tomo konaita setani ak oikyik. Rani ye itesetai ak boisioniguk, iboisie kou bomit ne kagimwokto kobutobut kiy age tugul, ne tere bandang'ung' nebo tai, ak kotere kayaptaetab logoiywek che miach chebo Kamuktaindet.

### MAONATET NE KIMWACHIN GE

A karikab Kamuktaindet cheboisien eng' boriet. Olda tugul ole kagiyokton, aibu walutik ak barunenikab boriet, eng' kainetab Jesu! Amen.

#### TESETAB SOMANET

Kalewenaik 10:22

#### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Ateptab Betusiek 20:14-24:14

[www.goodnewsdailydevotional.com](http://www.goodnewsdailydevotional.com)



Betutab Tisap, Arawetab Mut 11

## OBOIBOITUN

### **Pilipik 4:4**

**Oboiboitu eng' Kiptaiyet kotugul: ak amwae kogeny ale, Oboiboitu.**

...

Mwaonito bo nyiganatet ko nyolu ko ng'alek che tai, komong' eng' kuting'ung' betut age tugul, ye ing'ate karoneng'ung'. Matilu kiy kit age tugul ne ityin, ngo ne kararan anan ko ne ya, amu kaitil ile iboiboitunen, ak iyan kole konunotiot kobun Kamuktaindet.

Mat igochi kabwatet tuguk che tam koimin eng' sobet. Noto amu nee si komwae Bukuit Ne Tilil kole, amo kerer met eng' kiy age tugul, ago eng' kit age tugul kemwachi Kamuktaindet kongoi, ago ribei kalyetab Jehovah mugulelwekwok. Ko ye inyoru kewelutik eng' sobet, ibaibaitu ak ionde oindet eng' boiboiyet, ingen ile tuitos tuguk tugul, si kobois koreun che miach! Ye igaase ge, itese tai igimitu, amu mwae kogeny Bukuit Ne Tilil kole, boiboiyetab Kamuktaindet ko kimnatenyon. Noto anyun si kobo kamanut ing'etu eng' boiboiyet, amu bunu yoto kimnatet!

### **MAONATET NE KIMWACHIN GE**

Boiboiyetab Kamuktaindet ko kimnatenyon. Eng' kenyini bo che ing'etie sirimok, ko machute kureretab kewelutik alak tugul, amu atinye kimnatet asulda eng' kainetab Jesu! Amen.

### **TESETAB SOMANET**

Pilipik 4:4

### **CHERSET KESOMAN BUKUIT NE TILIL ENG' BETUSIEK 365**

Somanetab rani: 2 Ateptab Betusiek 24:15-28:27

[www.goodnewsdailydevotional.com](http://www.goodnewsdailydevotional.com)



Betutab Tai, Arawetab Mut 12

## OLE KISIEBEN

**Boisionikab Che Kiyoktoi 12:5**

**Kigirib Petero anyun eng' korgoret: ago kisa kaniset Jehovah mising' agobo inendet.**

Tos kiiger ngokiet koruen mainik, kowiswise mutyo, ak kogeer kole kanyor burgeiyet ne nyolu, matin ko kaitit, anan ko o mat eng' sang'? Isubi kogeer kole kanyor mainik atebet ne mie, eng' kasarta ne nyolu.

Eng' yu kegere kaniset kochute kasartab siebet, kosaachin Petero kotugul. Kites tai kosiiky saet, agoi kiyook malaikayatab Kamuktaindet, komang'is Petero eng' korgoret. Kasarwek alak ko nyolu ichut oldab siebet eng' kiy age tugul ne imache, agoi inyoru kabelisiet eng' tamirmirieng'ung!

Nai anyun rani kimnatet ne itinye eng' saet, ak inaam iboisien kou ye nyolu, si koib walutik eng' sobeng'ung' ak sobonwekab bik alak. Ib kasarta na yamat eng' saet, agot kou Elija ne kiinde metinyin kwenutab kutung'oikyik, agoi konyor walutik che kimache.

## MAONATET NE KIMWACHIN GE

Aboisien eng' saet, kamuget ne kigonon Kamuktaindet, anyorunen walutik che makyin ge muguleldanyun, eng' kainetab Jesu! Amen.

## TESETAB SOMANET

1 Laitorinik 18:42-45

## CHERSET KESOMAN BUKUIT NE TILIL ENG' BETUSIEK 365

Somanetab rani: 2 Ateptab Betusiek 29-31

[www.goodnewsdailydevotional.com](http://www.goodnewsdailydevotional.com)



Betutab Aeng', Arawetab Mut 13

## TABOK CHE BO TAHABU

### Ng'ang'utiet 5:8

**Ak ye kingo kagoib bukuinoto, kobutyi taitab Aruet tióng'ichoto ang'wanu soptos ak boisiechoto tiptem ak ang'wan, kotinyei age tugul ketubet, ak tabok che bo tahabu che nyiitotin nyamdutik che kebeelei, che choto ko sautikab bik che tililen..**

Ye isae, kiyumi sautiguk eng' tabok che bo tahabu, che kiibe koba taitab Kamuktaindet ko nyamdutik che ng'uuu ne anyiny. Ibwat anyun ye isae, keer sautiguk kobendi taitab Kamuktaindet ko ng'uu ne anyiny ne nyamdut ak kobaibai Jehovah. Sautiguk kobaibai Kamuktaindet! Eng' noto ko ma imugakseki kotaach Kamuktaindet sautiguk, ak kobaibaenji, yeityo kometen ama konin walutik. Mwae Bukuit Ne Tilil kole noto nyiganatet ne ketinye, ne ingesaa, kogasech Kamuktaindet. Ago amu kasech, ko kagoityi inendet samutikyok, haleluyah! Ko ngunon ye isae inai kole indoi konorwet ko kitigin, ago kiyumi tugul eng' kipseng'wet ko nyamdut ne ng'uu, ne anyiny eng' taitab Kamuktaindet.

### MAONATET NE KIMWACHIN GE

A laptetab kondab Kamuktaindet. Kigisirjan rubeitab eunekyik. Kiit sumeekyuk ago iyumi rirekyuk. Eng' iman ko a chamanenyin, eng' kainetab Jesu! Amen.

### TESETAB SOMANET

Tienwogikab Kalosunet 56:8

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Ateptab Betusiek 32:1-35:19

[www.goodnewsdailydevotional.com](http://www.goodnewsdailydevotional.com)



Betutab Somok, Arawetab Mut 14

## YAI SIRUTIK KOBUNJI KAMANUT

**Romanik 1:17**

**Amu king'anyei eng' choto imandab Jehovah eng' kayanet agoi kayanet: ko u ye sirat kole, Ago sobei ne bo imanda eng' kayanet.**

Yai Sirutikab Kamuktaindet koek kit ne isoben eng' sobeng'ung, ago mebuti kasarta age tugul. Agot nda teerchin bunyot konait, ko mabetun ole imang'undoi. King'anyei imandab Kamuktaindet eng' kayanet agoi kayanet, ago iboru noto kole nyolu kotesak chi eng' kayanet, si kobiit konyor imanda ne mi barak.

Agot tiendab GoodNews World Anthem komwae kole, ki Ng'olyotab Kamuktaindet eng' banda. Iboru noto kole, olda tugul ole iwendi, kotese tai koneeti ge bik Sirutik eng' inye. Imuchi ko kasarta ne tai konae chi Ng'olyotab Kamuktaindet, ak konyor ine Kristo. Ichoboge anyun igonu walet eng' emotinwek, ak iwal sobeng'ung. Ye itese tai igimitu eng' Sirutik, kotese tai kogimitu kaseng'ung', ago teeche noto kayaneng'ung', ak kogonin kwong'utik che eechen.

### MAONATET NE KIMWACHIN GE

Walaksei sobenyun eng' naetab Kristo, ye atese tai aneeti ge Sirutik. Wendi barak kayanenyun eng' kenyini, ago amandaen kewelutik eng' ortinwek che nyum nyum, eng' kainetab Jesu! Amen.

### TESETAB SOMANET

Romanik 10:17

### CHERSET KESOMAN BUKUIT NE TILIL ENG' BETUSIEK 365

Somanetab rani: 2 Ateptab Betusiek 35:20-36:23; Esra 1-3

[www.goodnewsdailydevotional.com](http://www.goodnewsdailydevotional.com)



Betutab ang'wan, Arawetab Mut 15

## KABERURETAB JEHOVAH

**Kalewenaik 10:22**

**Imagornoni kabereuretab Jehovah, Ama testoi rirek.**

Kegas kou noto? Konin mogornotet kabereuretab Jehovah, ama tesyin kiy age tugul ne ya. Ingoberurin Kamuktaindet, ko iberurot eng' iman. Keer ile noto ko kabereuret agenge ne tinye tuguk tugul, che imakyini ge eng' sobet. Isikiyiin inyoru mogornotet. Borotet ak mogornotet ne matinye kaimutik, ng'wanindo, anan ko kanyalilet. Nito ko sobet ne magun Kamuktaindet.

Mwae kole, "Ameiimge ile iegu magorio; Ametiiege ng'omnateng'ung'" (Kalewenaik 23:4). Tokyin ge anyun kabereuret. Sobeng'ung' ko I lakwetab Kamuktaindet, ko nyolu ko sobetab chang'indo. Ng'eetyin anyun imanit kole I ng'o, ago nee ne kiginde taing'ung'. Rib kabereuret ak iboisien komie kayomisutikab Kamuktaindet. I mogoriot eng' Kristo, ago itese tai inyoru mogornotosiek. Mat ichamchi bunyot kochaamun kit age ne teer eng' itiguk.

### **MAONATET NE KIMWACHIN GE**

Imung'eno kabereuretab Jehovah. Aberurot mising' ne maimaksei. Yatatin konyekyuk si kogeer mogornotosiekyuk eng' Kristo. Mogornotet ne matinye rirek eng' kainetab Jesu! Amen.

### **TESETAB SOMANET**

Matayo 6:33

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Esra 4-7

[www.goodnewsdailydevotional.com](http://www.goodnewsdailydevotional.com)



Betutab Mut, Arawetab Mut 16

## KIMNATET KOBUN SAET

### 1 Korintoek 14:4

**Inendet ne ng'alali eng' kutit koteechegei inegei; ago inendet ne amdoi koteechei kaniset.**

Mitei kimnatet ne kenyoru eng' Saet. Kinyor Paulo Ne Kiyoktoi kimnatani ak komwachi Jehovah kongoi kole ng'alali ine eng' kutuswek alak kosiir bik alak che kimi tugul. Kinyoru ine keljinaikab saet.

Eng' rani amache inai kimnatet ne itinye kobun saet, ak ole iboisioitoy inyoru keljinaikab sautiguk. Ye isaei eng' kutuswek alak, iteeche ge, kou jenereta, icheru kimnatet. Kimnatanato anyun ko nyolu ketokyi ole nyolu si kobiit kobois, kou mat ne mang'u eng' jenereta, ne nyolu keropchi wainik koityi tuguk che makyin ge maato. Kou noto ko kimnatet ne itinye, ko nyolu ketokyi kit ne isaachini. Nyolu ko mi kabwatutiguk yoto, ago nyolu ibwat ak igeer wolutik. Ye ing'alali, ko terenik ng'aleguk che ibe kimnatet koityi kit ne isaachini. Tes tai isiikiyi agoi inyoru kabelisiet!

### MAONATET NE KIMWACHIN GE

A jenereta nebo kimnatet, ago ng'alekyuk ko terenik che ibe kimnatet, koityi kewelutik che uen. Kutunyi eng' kainetab Jesu! Torornatet kobo Kamuktaindet!

### TESETAB SOMANET

Johana 6:63

### CHERSET KESOMAN BUKUIT NE TILIL ENG' BETUSIEK 365

Somanetab rani: Esra 8-10; Nehemia 1

[www.goodnewsdailydevotional.com](http://www.goodnewsdailydevotional.com)



Betutab Lo, Arawetab Mut 17

## INDOISEN

### 1 Samuel 17:46

**Indein rani Jehovah eunnyu; ak awirin, ak atil meting'ung', ak agochi rani muswekab lugetab Pilistik taritik che bo barak, ak tiong'ikab timin che bo ng'ony; si kobiit konai ng'ony tugul kole, mi Kamuktaindet Israel:**

Igigu oindet eng' boisiyenin, ne mache koyain ibut. Tyeme ak ko tyeme kogeer kit ne imuchi koreb eng' sobeng'ung, ago ye isulda eng' komosta agege, kaborjin ge komosta age, koten kota ichamjini.

Kiim Goliat lugetab Israel, agoi ole kiinaam koaragen Saul ak lugenyin, kot ko mawo koyai boriet, agoi ole kitonon chi ne ming'in ne kiribe kechirek, si kobiit kosor Israelik. Kou ye kamwa sirutietab rani, ko kiinam komwa inendet kit ne kiwendi koyae ak amu nee. Na kata ibekyini usosiekab sobet, inaam indoise kou ye kiyai Daudi, ak iegu ne imang'isu ibindang'ung' eng' otwognatet.

### MAONATET NE KIMWACHIN GE

Anaami andochini komoswek tugul che bo sobenyun, che kigochutyi oindet, eng' kainetab Jesu! Amen.

### TESETAB SOMANET

Mariko 4:39

### CHERSET KESOMAN BUKUIT NE TILIL ENG' BETUSIEK 365

Somanetab rani: Nehemia 2-5

[www.goodnewsdailydevotional.com](http://www.goodnewsdailydevotional.com)



Betutab Tisap, Arawetab Mut 18

## NDE KAMANUT NG'ALEGUK

**Kalewenaik 18:21**

**Mitei kimnatetab ng'elyepta, meet ak sobondo; Ak amei logoekyik ichek che chamei.**

Ng'alek koibote kimnatet, kergei ngo miach anan ko yaachen, kot komwae Bukuit Ne Tilil kole meet ak sobet, ko mitei ng'elyepta. Noto anyun si ko mie inde kamanut ng'aleguk. Ago ye I Kristianindet ne kigotaach Jesu, ko kigeyain iegu laitoriat ak tisindet....agot cheptalelit! Kou ye mwaei Bukuit Ne tilil kole, o cheptalelisiek (Tienwogikab Kalosunet 82:6, Johana 10:34)

Yain anyun nito ikoromitu kosiir inendet ne tomo koyan Kristo, amu igu ng'aleguk ng'atutik ko I laitoriat, ak itononji gong'ung' eng' ng'alek ko I tisindet; ko i cheptalelit. Ago anyun ko nyolu inde kamanut ng'aleguk, ak itau ng'oniyut ne imache itebeen, ak iteetch che omi tugul.

### MAONATET NE KIMWACHIN GE

Ng'alekyuk ko ibe kimnatet ne o. Ang'alali borotet eng' sobenyun. Ang'ate mieindab borto eng' sobenyun, ago akirindoi ng'alek alak tugul che yaachen che kigemwaitaenan, eng' kainetab Jesu! Amen.

### TESETAB SOMANET

Kalewenaik 12:18 Jakobo 3:1-10

### CHERSET KESOMAN BUKUIT NE TILIL ENG' BETUSIEK 365

Somanetab rani: Nehemia 6:1-8:8

[www.goodnewsdailydevotional.com](http://www.goodnewsdailydevotional.com)



Betutab Tai, Arawetab Mut 19

## YAI NE MIE AMEET

**Kalewenaik 3:27**

**Ameete mieindo che nyoljin kigochi, Ye itinye kimnatet ne iyae.**

Ko ki Kristianik kisubi kaborunet ne mie ne kimetewech Kiptaiyandenyon Jesu Kristo. Ye kigeere ole kisoptoi, kegeere kole kitinye ine rirge koyachi bik ne mie. Agot ko kiingen kole imuchi konyor kang'ung'unyet eng' bik, ko kiyae ine agot kora.

Eng' rani ye itese tai ak boisioniguk, ko meete chi ne tos inyoru kaberuret ye mache ine nyimetab boiboiyet, ng'alek che miach, toretet anan ko kiy age tugul. Nyolu itinye atebet ne iegu ne lewenot, ne boisien Kamuktaindet kotiny sobonwekab biik alak che makyin ge toretet. Ui anyun ibarte chamnyet, ak ipcheite logoiywek che miach rani, koityi chi ne makyin ge kogas

### MAONATET NE KIMWACHIN GE

Ane ne pcheito logoiywek che miach, ak ayaei boisionik che miach, ago abiiitu ye makyon ge Kamuktaindet amu ma esioi, eng' kainetab Jesu! Amen.

**TESETAB SOMANET**

Hebranik 13:2

**CHERSET KESOMAN BUKUIT NE TILIL ENG' BETUSIEK 365**

Somanetab rani: Nehemia 8:9-11:21

[www.goodnewsdailydevotional.com](http://www.goodnewsdailydevotional.com)



Betutab Aeng', Arawetab Mut 20

## IYAN OLE BENDITO TUGUK AK IMUITE

**1 Samuel 19:1**

**Ak king'alalji Saul Jonatan werinnyi, koboto otwogikyik tugul, kolenji kobar Daudi.**

Kiitach Jesu Kristo, konyiin Tamirmiriet, kiilin, ago mara kigegonin maonatet, kobaten ma chute ge anan kobendi tuguk kou ole imaktoi. Kasarta age ko mara kiwechok tuguk tugul agot kosiir!

Ko tomo ibirte ge ak iimage, igeer sobetab Daudi. Kilewen Kamuktaindet ak koil metinyin Samuel eng' mwaitab lalel, ago Samuel ko ki maotiot ne ki korom eng' kasarato. Keer anyun ole kigionda kounyat ke, si kosor sobenyin, koruote kebenosiek ak koyae ge kou chi ne mamie metit, si kouny ge inendet.

Imuchi ibune kasarwek che kewelen mising', ak kobegu fedaisiek ko tomo agot kobeg arawet. Muiten anyun ak ites tai igiil ge. Keer anyun ole kiityi Daudi eng' let, Laitoriat ne kimwa Kamuktaindet kole kiibaibai muguleldanyin! Eng' kenyni bo che ing'etie Sirimok, ko walaksei aginye sobeng'ung' eng' kainet ne toror ne bo Jesu!

### **MAONATET NE KIMWACHIN GE**

Ayani komie logoiywechu miach. Kiy age tugul ne nyonjon, ang'etu atononi eng' kainetab Jesu! Amen.

### **TESETAB SOMANET**

Romanik 8:28

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Nehemia 11:22-13:22

[www.goodnewsdailydevotional.com](http://www.goodnewsdailydevotional.com)



Betutab Somok, Arawetab Mut 21

## MAMITEI KIY NE BETOT, ANAN KO BUTOT

**Johana 10:10**

**Nyonei chorindet si kochor, ak kobar, ak kong'em kityo: kianyoy si kobiit konyor sobondo, ak kotepto sobonato inne..**

Kong'eete kabutetab Adam, ko kime chito eng' tamirmiriet, ak kochutyi ine kanyalilet eng' komoswek tugul. Ago kinyo anyun Kiptaiyat ne sorunindenyon Jesu Kristo, koweekyech torornatet ne kitai ak Kwanda. Kou ye kiitach inendet, ko kigiwalin imang'unen bounatetab mesundeito, ak ichtuyi bounatetab lapkeiyet ne toror. Sorunet eng' Yunanik ko ng'olyot sozo, ne eng' arorunet ko ka kile mamitei kiy ne betot, anan ko butot. Sorunet anyun ne kiinyoru koboru kole ma nyolu ko mitei kit ne betot, anan ko butot eng' sobeng'ung'.

Mitei sorunetab sobondo ne kiinyoru, ne bo sobondab koigeny. Ago mitei sorunet nebo chametab ge eng' borto, borotet, ak kiy age tugul ne tinye ge ak sobeng'ung', ne nyolu inyoru si kobiit iwendote eng' sobetab chang'indo, kou ole maktoi Kiptaiyat Jesu.

## MAONATET NE KIMWACHIN GE

Aramu eng' keringonikab yetunet, sorunet eng' chametab ge nebo borto, eng' atebenyun ak bik alak, eng' fedaisiekyuk eng' kainetab Jesu! Amen.

### TESETAB SOMANET

Isaia 12:2-3

### CHERSET KESOMAN BUKUIT NE TILIL ENG' BETUSIEK 365

Somanetab rani: Nehemia 13:23-31; Esta 1-4

[www.goodnewsdailydevotional.com](http://www.goodnewsdailydevotional.com)



Betutab Ang'wan, Arawetab Mut 22

## **ILAACH KARIK TUGUL CHE BO JEHOVAH**

**Epesoek 6:11**

**Olaach karikab luget komugul che bo Jehovah, si kobiit omuch ogirinde kaberberisiesiekab oindet..**

Ma ki berberen eng' chobutikab setani. Kingen kele tinye tetutik che yaachen, ak kotieme kochutyech eng' ole ma kiting'en naet.

Mwawech Bukuit Ne Tilil kole kilaach karik tugul chebo luget, ma agenge kobaten kilaach tugul. Bo kamanut keratagen ak Sirutik, amu noto ne keboisien keteree ge. Ye melaach karik tugul, ko ng'etu ole yatat, ago yoto ole chutunen oindet kou Awa.

Nyolu ichop kasarta ne isomani Sirutik ak isae, amu ngot itinye Sirutik kityo itiola, ngot itinye tamirmiriet kityo, iyaame, ago ye itinye Sirutik ak Tamirmiriet, ietu ak imuch iteer ge eng' kaberberisiesiekab oindet.

### **MAONATET NE KIMWACHIN GE**

Arataksej ak Sirutikab Kamuktaindet. Ma tinye kiy age tugul oindet eng' ane, eng' kainetab Jesu! Amen.

### **TESETAB SOMANET**

2 Korintoek 2:11

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Esta 5-10

[www.goodnewsdailydevotional.com](http://www.goodnewsdailydevotional.com)



Betutab Mut, Arawetab Mut 23

## TOKYIN GE INENDET

**Matayo 14:29**

**Ak kile, Nyo. Ak kichortagei Petero eng' moingetab beek, kobun beek barak kwo ole mi Jesu.**

Petero ne kiyoktoi ko kiibor komie tuguk che bune bik che chang' eng' sobet. Ye kigeer inendet Jesu Kristo kowendote eng' beek, koteeb ngo tos wendot agine, ago kinyor kayanet ne kiyam komanda eng' moinget ak kowendot eng' beek!

Tos konyil ata, che kiigas kotinyin Sirutik kou achek, kou amdoikab logoiywek, ak eng' yoto inyoru cherset ak kimnatet imande ak inaa boiset? Kasarta age agot ko kiigol keswot. Eng' betutab tai inaa tetutikab boisieng'ung', ago eng' betutab aeng' konyo usonet ne kitigin, ak eng' yoto inaa iimage. Cherset tugul ak kimantet tugul ne kigenyuru, komanda kobun tirisho. Ak inaa irir ak inyonyi ilen, amu nee si koyaaksei kou noto kityo eng' inye.

Eng' rani irat ke. Tokyin konyeguk meleкто, ingen ile ole ketokyi ge, ko egu kagesunet yoto. Mat iepchi it kaimutik che kamuutyin, tes tai eng' oreng'ung', eng' kainetab Jesu!

## MAONATET NE KIMWACHIN GE

Atokiyini ge meleкто, ago maistoi ge eng' oret. Mamitei kaimutik alak tugul, che imuchi kobetenon tokyinetab ge, eng' kainetab Jesu! Amen.

## TESETAB SOMANET

Pilipik 3:14

## CHERSET KESOMAN BUKUIT NE TILIL ENG' BETUSIEK 365

Somanetab rani: Job 1:1-5:16

[www.goodnewsdailydevotional.com](http://www.goodnewsdailydevotional.com)



Betutab Lo, Arawetab Mut 24

## SIGNOL CHE BO TAMIRMIRIET

**Romanik 8:14**

**Amu tugul che indochin Tamirmirietab Jehovah, ko werikab Jehovah choto..**

Tos ingen ile itaache ak igoitoi signol? Tos kiiyom iyaat karing'ung iboisien rimot, ak koesio amu mitei ole loo? Yoom iib kibungwet koriiky meting'ung' ak ichiil rimot, ago igeere koyataksei karing'ung', amu tese meting'ung' signol inooto!

Eng' 1 Ateptab Betusiek 21:1, ko king'eet Setani kogirinda Israel, ak kiigochi Daudi koiit Israel. Nito ko ki signol ne ki kanam Daudi kobun Setani. Noto anyun si konyolu imitei eng' Sirutik, ak yamdaetab Tamirmiriet, si kobiit ichepchebitu, eng' ole bunu signol alak tugul. Kimwa Jesu kole, kase kutinyun kechirekyuk; ingen signol nenyun. Ago iboru sirutietab rani ye mwae kole, indochin Tamirmirietab Jehovah, werik che bo iman che bo Jehovah.

### **MAONATET NE KIMWACHIN GE**

Eriolitab Tamirmirienyun ko mi barak, ago chepchep koityin Tamirmirietab Kamuktaindet. Eng' betut age tugul, alite kasenyun eng' sirutik, eng' kainetab Jesu! Amen.

### **TESETAB SOMANET**

Johana 10:27-28

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Job 5:17-8:22

[www.goodnewsdailydevotional.com](http://www.goodnewsdailydevotional.com)



Betutab Tisap, Arawetab Mut 25

## MUTAI OLO BO SAINI

### 2 Laitorinik 7:1

**Ak kimwa Elisha kole, Ogas okwek ng'olyotab Jehovah: kamwa Jehovah ko u ni, kole, kialdoe mutai olo bo saini kerutietab busiek che tambulul sekelit agenge, ak kealdoe kerutik aeng' che bo sairik sekelit agenge, eng' ormarichetab Samaria.**

Eng' kasarwekab kewelutik eng' keny, eng' Lagokab Israel, ole kiome bik soroikab taritik, ago kienye kamatik lagokwak koek amitwogik, ak eng' yoto ko kiganam lugetab Surianik nganaset. Ko kimong' Maotiotab Kamuktaindet ak komwa kole, bitu chang'indo---ma eng' kenyit ne kinyone kobaten betut ne kiisubi!

Noto ko walet ne ki ui eng' metitab chi ne bo ng'ony, kobaten king'alali Maotiot eng' komostab tamirmiriet! Kiboisiechini Kamuktaindet ne yaei tuguk che ma imugaksei. Mametech Kamuktaindet ama Maotiot ne o, ne bo kasartanyon. Ibun anyun kewelutiguk, ak igas kit ne mwaei Kamuktaindet, ago igeere walet ne bo chokyinet eng' sobeng'ung'.

### MAONATET NE KIMWACHIN GE

Mutai olo bo saini, awendoti ko atiatag, ama mitei ratutik alak tugul che bo rarunet, mianwogik, anan ko kanyalilet. Atirireni kou kipsichit, eng' kwenutab kewelutik, eng' kainetab Jesu! Amen.

### TESETAB SOMANET

Johana 6:21

### CHERSET KESOMAN BUKUIT NE TILIL ENG' BETUSIEK 365

Somanetab rani: Job 9:1-12:12

[www.goodnewsdailydevotional.com](http://www.goodnewsdailydevotional.com)



Betutab Tai, Arawetab Mut 26

## TONONJINIK ENG' TAMIRMIRIET

### Boisionikab Che Kiyoktoi 9:3-4

**Ak ye kita kowendi, ko karikta Damasko: koluu ngunoto lapkeiyet ne kibunu kipsengwet koluuchi inendet komoswek tugul: ak kiibutyi ng'ony, ak kogas kutit kolenji inendet, Saul, Saul, amu nee si iusa?**

Paulo ne Kiyoktoi, ne eng' tai ko ki kikuren Saul, ko kimi oret kowendi Damasko konam Kristianik konyalil, ago kikwer inendet ilet, ak komongji inendet Kiptaiyat Jesu. Ago kigor anyun inendet. Keer kosubindet ne kibo Jesu ne kainenyin ko Anania, ne ki kiyokto kosaachi Paulo si kobiit koyatagis konyekyik. Igeere kole kigiyokto ko kagotuiyo Paulo ak Kristo, kobor kole kimakyin ge Kiptaiyat chito eng' emet, kosaachi inendet ak kotiiny ak eunek, si kobit kogeerto.

Eng' keniyini bo ichek che ing'etie Sirimok, ikanapte ge anyun iegu chito ne makyin ge Kamuktaindet koboisien, komang'is gong'wong' eng' mesundeito. Igun ne tononi eng' kwenutab Kamuktaindet ak ichek. Igun ne mwaei Kamuktaindet kole, ma yaei kiy eng' gong'wong', ko ma mwaun.

### MAONATET NE KIMWACHIN GE

A tononjinindetab tamirmiriet eng' gonyun. A chepchep eng' kandoinatetab Tamirmiriet, eng' tuguk che tese tai, ak che nyolu asaachi, eng' kainetab Jesu! Amen.

### TESETAB SOMANET

Romanik 8:14

### CHERSET KESOMAN BUKUIT NE TILIL ENG' BETUSIEK 365

Somanetab rani: Job 12:13-16:10

[www.goodnewsdailydevotional.com](http://www.goodnewsdailydevotional.com)



Betutab Aeng', Arawetab Mut 27

## WERIKAB JEHOVAH

### 1 Johana 3:2

**Chamanichu, ki lagokab Jehovah nguno, ak tomo keng'any kit ne tun ki u. Kingen kele, ye tun kaging'any inendet, kegergeitu ak inendet; amu tun kigeere ko u ole u inendet.**

Tos ma kit ne mie nito. Bukuit Ne Tilil ko tinye tokyinet eng' ng'alek, mising' ko eng' kanaisiet. Keer ole mwaito Sirutioni kole ki werikab Jehovah. Nito ko kit ne nyolu keng'eetyin---konaisiech kegeer, ak kenai kole ki werikab Kamuktaindet!

Bo kamanut anyun kinde naet noto, amu mi kimnatet eng' mwaanoto. Kingen ge mising' ko ki Kristianik, ne noto koboru kole ma ki kasubik kityo, ago noto ko kit ne kigurenech ichek che tomo koyan Kristo! Imanit ne mi ko ki werikab Kamuktaindet. Ole kisopto, tononenyon ak atebenyon, ko tos ter mising' nda kiginame naet kole ki werikab Jehovah. Agot tiinyenyon ak kayanosiekab kanisosiek alak, ko tos kimi barak kosiir ichek tugul.

Eng' rani ing'eetyi imanit kole, I weritab Kamuktaindet nguni, ama lakwet kityo, kobaten weritab Jehovah, ak inaan iwendote eng' kandoinatanato.

### MAONATET NE KIMWACHIN GE

A weritab Kamuktaindet nguni, ago amang'jini imaninito, ak kandoinatanito, eng' kainetab Jesu! Amen.

### TESETAB SOMANET

Tienwogikab Kalosunet 8:5; Tienwogikab Kalosunet 82:6

### CHERSET KESOMAN BUKUIT NE TILIL ENG' BETUSIEK 365

Somanetab rani: Job 16:11-20:11

[www.goodnewsdailydevotional.com](http://www.goodnewsdailydevotional.com)



Betutab Somok, Arawetab Mut 28

## KATIAGET ENG' KRISTO

**Romanik 8:1**

**Noto anyun ma komi kiruoget eng' ichek che mitei eng' Kristo Jesu..**

Noto anyun ma komi kiruoget, eng' ichek che mitei eng' Jesu Kristo! Noto ko kit ne nyolu kebaibaenji! Igeere kole ye kime Jesu Kristo eng' kimurtoiyot, ko kilipan tengekwogik TUGUL---che kigosirto, che bo Nguni, ak che bwane. Kibek tugul, kilipan eng' yoto kasarato.

Mating'enen kiy Kamuktaindet ak tengekwogikuk. Kabwateng'ung' kityo nebo tengekwogikuk, ne ratyin otwogantet. Boisietab oindet kobwatun kachililutiguk ak tengekwogikuk, ak koyain iruokyi ge ak ibwati kole nerekyin Kamuktaindet!

Eng' rani imong'ji naet ak imanit kole, mamitei kiruoget eng' inye ne mitei eng' Kristo, ak kowendote eng' tamirmiriet. Noto anyun si kobo kamanut ing'etu eng' Sirutik, amat isiky i oindet chamjinet kochaamun eng' itiguk.

### MAONATET NE KIMWACHIN GE

Ma iityon kiy Kamuktaindet. Ariibe kaberuret, ago atiagat eng' kiruoget age tugul, eng' kainetab Jesu! Amen.

### TESETAB SOMANET

Hebranik 4:17

### CHERSET KESOMAN BUKUIT NE TILIL ENG' BETUSIEK 365

Somanetab rani: Job 20:12-24:12

[www.goodnewsdailydevotional.com](http://www.goodnewsdailydevotional.com)



Betutab Ang'wan, Arawetab Mut 29

## BOISIEI KOU KAMUKTAINDET

**Taunet 1:26**

**Kimwa Kamuktaindet kole, Ongeyai chito eng' itondanyo, ko u kergeindanyo: ...**

Kin koyai Kamuktaindet chito, ko kiyai inendet kogergeit (itondo) ak ine, ak kobois (kergeindo) kou ine. Ko kin keyai Adam, ko ki kergei ak Kamuktaindet, ago kiboisie kou Kamuktaindet. Eng' yoto ko kiinaam Kamuktaindet koyai tióng'ik komang'une ng'onny, ak komutyi Adam kogurji sobet, ago kisopcho!

Kamuganato bo taunet ko mitei oring'ung' rani, amu kigischin kogeny eng' tamirmirietab Kamuktaindet. Noto amu nee si komwae Bukuit Ne Tilil kole, o cheptalelisiek! Itinye kamuget itau kiy age tugul ne imache, kotieen ge kayanet ne itinye.

### MAONATET NE KIMWACHIN GE

Kigiyaan abois kou Kamuktaindet---kigiyaan eng' itondanyin ak kergeindanyin, ago mitei kimnatenyin nebo taunet orinyun. Kou ye kiguur Adam tióng'ik kosopcho, ang'alali eng' kimnatetab Tamirmiriet. Eng' kayanet atau tuguk che mamitei. Ang'anye ak amwae ale mamitei kiy ne maityini eng' keniyini. Ang'eete eng' kayanet, ak atau ng'onnyut ne nyu rani! Amen.

### TESETAB SOMANET

Hebranik 4:17

### CHERSET KESOMAN BUKUIT NE TILIL ENG' BETUSIEK 365

Somanetab rani: Job 24:13-29:13

[www.goodnewsdailydevotional.com](http://www.goodnewsdailydevotional.com)



Betutab Mut, Arawetab Mut 30

## TOS IMUCHI KOSOPCHO KOWECHU?

**Esekiel 37:3**

**ak kilenja, Ee, weritab chi, tos, imuchi kosopcho kowechu? Ak kiawolu ale, Ee Kiptaiyat Jehovah, ingen inye.**

Eng' Esekiel 37, ko kigimut maotiot kwo kwenutab atebwet ne kinyiitat kowek--- noto ko kiiboru betetab kamang'unet ak sobet. Kiteeb anyun Jehovah tebut kole, tos imuchu kosopcho kowechu? Kiwol anyun Esekiel eng' ng'omnatet kole, ee Kiptaiyat Jehovah, ingen inye. Kilenji anyun Kamuktaindet Esekiel komaotenji kowek, ago ye kimaoten, koyaak kit nebo kwong'et. Kiituyo ge kowek, kolaach banyek, ak konyonji kabusetab Kamuktaindet, ak koek anyun luget ne o. Eng' keniyini bo che ing'etie Sirimok, ko mamitei kewelutiet ne siire Kamuktaindet. Kiy age tugul ne uon matinye sobet, kergei ngo mieindab borto, fedaisiek, atebet ak bik alak, anan ko tuguk che imakyini ge--komuchu kong'eetyo eng' Sirutikab Kamuktaindet, ak kabusetab tamirmiryeniyin. Ye ochute ge ak Sirutikyik ak imaotenjini sobet eng' tuguk cheguk, ko yaakse kwong'utik

### MAONATET NE KIMWACHIN GE

Ang'ate ak ang'anye ale, mamitei kewelutiet eng' sobenyun, ne siire kimnatetab Kamuktaindet. Amaotenjini sobet komoswek tugul che kiyaamy, ak komeio eng' sobenyun. Eng' kayanet ageere wegunsetab ge, kosobet ak chang'indo kobwanjon. Inyiiton kabusetab Jehovah, ak koleelit kimnatenyun, ak kowal sobenyun. Awendi barak keniyini, a baornatet ne sobe, eng' kwong'utikab kimnatetab Kamuktaindet. Saptos kowechu kiyamy, eng' kainet ne toror ne bo Jesu! Amen.

### TESETAB SOMANET

Esekiel 37:10

### CHERSET KESOMAN BUKUIT NE TILIL ENG' BETUSIEK 365

Somanetab rani: Job 29:14-32:10

[www.goodnewsdailydevotional.com](http://www.goodnewsdailydevotional.com)



Betutab Lo, Arawetab Mut 31

## IBERUR KAMUKTAINDET

**Tienwogikab Kalosunet 103:2**

**Ilosu Jehovah, ee sobondanyu, Ameutie konunoikyik tugul:**

Ye kigesu arawet age, iib kasarta iberur Kamuktaindet, ak tuguk tugul che mi oring'ung'. Ibwat tuguk tugul che itinye, che kiyau, ak ilosu inendet eng' tuguk che ma iitaksei, che ingen, ak alak che mengen, amebwatii.

Ye mwaei Bukuit Ne Tilil kole ma tinye yaityo Kamuktaindet, kot koutie boisieng'wong, ak chamnyet ne kiobarte (Hebranik 6:10), koboru kole yaityo keutie tuguk che kiyaiwech. Ibwaat anyun ye keyachi bik kiy, ama magen kiy anan agot komwaun kongoi eng' che keyai.

Agoo anyun eng' rani imwachi Jehovah kongoi. Baibaenjin tuguk che tese tai koyae eng' sobeng'ung'. Ye iyaei kou noto, komuchi agot koborun kole imuchi koyai che siire choto!

### MAONATET NE KIMWACHIN GE

Aberuri Kamuktaindet ak tuguk tugul che mi orinyun. Abwatyini ge tuguk che kiyaiwon, ak kotese tai koyaiwon ak gonyun, eng' kainetab Jesu! Amen.

### TESETAB SOMANET

Tienwogikab Kalosunet 100:1-5

### CHERSET KESOMAN BUKUIT NE TILIL ENG' BETUSIEK 365

Somanetab rani: Job 32:11-35:16

[www.goodnewsdailydevotional.com](http://www.goodnewsdailydevotional.com)



Betutab Tisap, Arawetab Lo 1

## IGIMIT GE ENG' NG'OLYONDENYIN

### 2 Peter 1:12

**Noto anyun achobege kotugul abwatwok tuguchuto, agot ngongen choto, ak o lumdotin eng' imanit ne otinye.**

Ingenin Kamuktaindet kosiir, ole ingende ge. Inendet ko yaindeng'ung' ago ingen komoswek tugul chebo bortang'ung'. Ngo ng'alalun Kamuktaindet, ko mache Kamuktaindet ne mitei oring'ung' kowol eng' kayanet. Yaei tuguk tugul Kamuktaindet kotieen ge katigonutikyik. Inendet ko Ng'olyondet (Johana 1:1), ago ng'alaljin Kamuktaindet ne mi oring'ung', kotieen ge Ng'olyondenynin. Kamuktaindet ne mi oring'ung' ne nyolu kowol maonadet ne kagigochi sobeng'ung', kotesta ge kayanet, ago ma esiokkei walutik.

Ng'alali Kamuktaindet imanit nebo sainoto koityi tamirmirieng'ung. Eng' keniyini bo ichek che ing'etie sirimok, ichamji Kamuktaindet ne mitei oring'ung' kowol Ng'olyondenynin, ko mamitei kaimetab ge, ak igeer walutik konyasin inyendet. Mat ichamji oindet kochor Ng'olyotab Kamuktaindet. Kimwa Kamuktaindet kole tinye ortinwek bilionisiek che ibunen bilionisiekab dolaisiek kobwanjin. Nam anyun ago iityini eng' kainet ne toror nebo Jesu! Amen.

### MAONATET NE KIMWACHIN GE

Yatatin konyekyuk eng' tugetab Kamuktaindet, kong'alaljin Kamuktaindet ne mitei orinyun. Ayani Ng'olyotab Kamuktaindet kou kit ne u. Mabutii; eng' nito abelisieie eng' Kristo! Amen.

### TESETAB SOMANET

1 Johana 2:21

### CHERSET KESOMAN BUKUIT NE TILIL ENG' BETUSIEK 365

Somanetab rani: Job 36:1-39:12

[www.goodnewsdailydevotional.com](http://www.goodnewsdailydevotional.com)



Betutab Tai, Arawetab Lo 2

## NGO LETIEN LAPKEYENG'UNG

### Kalewenaik 3:15

**Bo kamanutiet ne o inendet kosiir koek che kiguure peninim: Ak tuguk tugul che imache ko mami che kiroge ng'omnatet.**

Tahabu ko koita nebo kamanut ne kicheng'e mising'. Kiyaak koichoto ye kin koetyi mat ng'ondosiek. Kilalen mat ng'ony ak koyai kobit tahabu. Ago anyun ko kimong'une tahabu etunetab mat eng' ng'onyut.

Aini anyun kit ne ki kwong'e: bik ko tinye tahabu eng' borwekwak. Ago koik karibu tugul che kinyoru eng' ng'ony kenyoru eng' bortab bik. Imuchi ko tomo inai kole itinye tahabu che ma chang' eng' bortang'ung'. Imaninoto kole mitei tuguk che u tahabu, ak alak oring'ung', koberu kole mitei kit nebo kamanut ne Kanye komong' eng' oring'ung'. Keerin Kamuktaindet ko ibo kamanut mising', kot ko kigonde konunotiot nenyin ne kararan eng' tugul---Tamirmiriet Ne Tilil--- oritab bortang'ung' nebo ng'ung'unyek.

Tamirmiriet Ne Tilil ne mi oring'ung' kobo kamanut kosiir tahabu. Wendoten eng' naet kole menye Kamuktaindet oring'ung', amu ibo kamanut eng' inendet. I mogoriot nebo komostab tamirmiriet ago kiginde oring'ung' tahabu. Ye itililin Ng'olyotab Kamuktaindet, iletanyi kosiir kecheik che mi barak. I tait ne ibu lapkeyet koityi komoswekab mesundeito che kamutyin, eng' keniyini bo ichek che ing'etie Sirimok.

### MAONATET NE KIMWACHIN GE

Asubi oretab lapkeyet. Atese tai aletyani eng' olda tugul ole awendi, ago Ng'olyotab Kamuktaindet ko taitab orenyun, eng' komoswek tugul, eng' kainetab Jesu! Amen.

### TESETAB SOMANET

Romanik 8:18

### CHERSET KESOMAN BUKUIT NE TILIL ENG' BETUSIEK 365

Somanetab rani: Job 39:13-42:9

[www.goodnewsdailydevotional.com](http://www.goodnewsdailydevotional.com)



Betutab Aeng', Arawetab Lo 3

## IGUN NE TINYE TOKYINETAB GE

**Mariko 11:23**

**Amwawok iman ale, Chi age tugul ne lenjin tulwoni, Kitutin ak kewirjin araraita; ko mabistoe eng' muguleldanyi, ago koyan kole, isuldoi tuguk che kamwa; konyoru tuguchoto.**

Tos kegeer tokyinetab ge eng' kit ne kimwa Jesu? Kristianik che chang' ko ng'etu eng' ole kamwa kole "chi age tugul" ama kere komie ole kamwa kole "tulwoni." Eng' kasarta ne kisoe, kobo kamanut mising' ye itinye tokyinetab ge, eng' kit ne isaachini, si kobit inyoru.

Tos nee tulwonon imaakyini ge igeer kowalaksei, si kowal ole itokyini ge? Kit ne itokyini ge imache kowalak, ak kowal atindeniotab sobeng'ung', ko nyolu ko noto ne itakyini ge eng' saet.

Eng' rani, komuchi ko mi tuguk che chang' che imache kosulda, kamang'unaik che chang' che imache koyaak. Mwaei Sirutietab rani kole mat kochang'a kabwatutik ye isae. Sautiguk ko nyolu konde tai kioto agenge, ne imache igeer koyaaksei nguni, ago ye isaei eng' tokyinetab ge nebo kioto agenge, koyaun Kwandang'ung' ne mi Kipseng'wet!

## MAONATET NE KIMWACHIN GE

Angen ale wolu Kamuktaindet sautik. Kit ne asaachini rani ko tinye teerchinet, ago angen ale ye asaei ko kasan Kamuktaindet. Angen ale kit ne asaachini rani konyoru walutik nguni eng' kainetab Jesu. Amen.

## TESETAB SOMANET

Matayo 21:21

## CHERSET KESOMAN BUKUIT NE TILIL ENG' BETUSIEK 365

Somanetab rani: Job 42:10-17; Tienwogikab Kalosunet 1:1-5:7

[www.goodnewsdailydevotional.com](http://www.goodnewsdailydevotional.com)



Betutab Somok, Arawetab Lo 4

## AMUNEE SI ISAA

### 1 Tesalonikek 5:17 Osae kotugul;

Bo kamanut kiguiyo amu nee si kosae Kristianik. Saet ko nyolu keyai ak kaguiyet, mising' ko ye mitei kit ne itakyini ge isaachini. Kingen kele mitei Kamuktaindet olda tugul. Ko amu nee anyun si kesaei, ago mitei Kamuktaindet olda tugul?

Epesoek 4:10 ko mwawech kole ye king'eet Jesu eng' meet, kotogosta barak mising' kosiir kipsengwetsiek tugul, si kobiit konyiit tuguk tugul. Nito koboru kole mitei Kamuktaindet olda tugul. Ago saet anyun ko ma bo kityo kiyen kole mitei Kamuktaindet, kobaten kiboisien keguur kimnatenyin koboisi eng' sobenyon.

Chi nebo saet ko chi nebo walet---chi ne iguitos komie kimnatetab saet. Mwawech Bukuit Ne Tilil kole ki katerterik kot kosiir, eng' Kristo ne igimitech. Iboru noto kole ki kikurech kebe kot kesiir biik che saei kityo. Boisietab saet ko kogochi Jehovah chamjinet kochutyi kewelutiguk. Ye isaei, igochi Kamuktaindet chamjinet kochutyi ak kotoretin. Eng' kasarwek che momitei komie ak bik, anan ko mamitei komie katunisieng'ung', anan agot ko sonatet, ko meweech let. Mat ing'et. Saa eng' kagiletab ge ak kagenisiet. Keer anyun ko twau Kamuktaindet eng' oldanyin ne toror, ak koyaun che imache eng' kenyini bo ichek che ing'etie sirimok.

### MAONATET NE KIMWACHIN GE

Agile ge eng' saet, angen ale anyoru walutik. Ma ng'ete, ago ma konu ge, amu angen ale, walu sautik Kamuktaindenyun eng' mat! Amen.

### TESETAB SOMANET Epesoek 6:18

**CHERSET KESOMAN BUKUIT NE TILIL ENG' BETUSIEK 365**  
Somanetab rani: Tienwogikab Kalosunet 5:8-8:9

[www.goodnewsdailydevotional.com](http://www.goodnewsdailydevotional.com)



Betutab Ang'wan, Arawetab Lo 5

## OLE TEPTO SAET

**Isaia 65:24**

**Ak ye tom koguurso, awolu; ak ye ta kong'alali, agas..**

Sirutietab rani kobwatwech kole, ko tomo kesa, ko kagowol Kamuktaindet. Ye ta keng'alali, ko kagonaam koyai. Ingen Kamuktaindet kit ne imache isaachi, ko tomo agot imwa. Ingen kole imakyini ge fedaisiek. Kagonaam kogeer katunisionon, agot ko tomo iib saet kwo kaptisisiet. Keerin Kamuktaindet eng' atebeng'ung' ne igereri met kotugul, agobo miondab sugaruk, ak ruaetab korotik. Ago tese tai komwaei kole sa!

Chang' Kristianik che tinye kaimutik ak saet, kobaten kimwa Kamuktaindet eng' taunet kole, ingobounis ichek (Taunet 1:26), ago anyun ko kiigochi chito kimnatet, kondochi ak koboi ng'ony. I agenge eng' che nyolu kobounis. Ko ye mache koyai kiy Kamuktaindet eng' ng'ony, ko mache chamjineng'ung', ago nyorunen noto saet. Ye imete saet, ko ieten Kamuktaindet chamjinet kotoretin eng' kewelutiguk. Ka iguiye anyun ile bo kamanut saet kotugul. Saeng'ung' ne itiakyin sobeng'ung', kimnatetab Kamuktaindet!

### **MAONATET NE KIMWACHIN GE**

Mamitei chi anan ko kiy, ne imuchi koteron eng' saet. Agochini Kamuktaindet chamjinet kochutyi kewelutikyuk ak kotiachan. Sautikyuk ko ibote kimnatet ne bunu barak, ago ageere kasuldaet eng' kainet ne toror nebo Jesu! Amen.

### **TESETAB SOMANET**

Tienwogikab Kalosunet 91:15

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Tienwogikab Kalosunet 9-10

[www.goodnewsdailydevotional.com](http://www.goodnewsdailydevotional.com)



Betutab Mut, Arawetab Lo 6

## **KIMNATETAB NG'OLYOTAB KAMUKTAINDET**

**Tienwogikab Kalosunet 138:2**

**Agutunyi atokyinige hekalung'ung' ne tilil, Ak agochini kaineng'ung' kongoi amu chamnyeng'ung' ne tala amu imandang'ung': Amu kiiiet ng'olyondeng'ung' kosiir kaineng'ung' komugul.**

Kimnatetab Kamuktaindet ko ma siire Ng'olyondeniyin. Iboru nito kole maimuchi Kamuktaindet koyai kit ne mamitei Sirutikyik. Ole ite Sorunetab Kamuktaindet eng' sobeng'ung'---keergei ngo mung'areng'ung', gong'ung', fedaisieguk anan ko mieindab borto--- ko tien ge ole iboisioitoi Ng'olyondeniyin. Bo kamanut iguiye kole kimwa Kamuktaindet kole Ng'olyot ne mang'u eng' kutinyin ko ma weekyin ge inendet buch agoi kogeos boisiet.

Tos konyil ata che ing'alaljini sobeng'ung' Ng'olyotab Kamuktaindet? Mwaei Bukuit Ne Tilil kole, Chamanani, asae ale iberuroge komie eng' tuguk tugul ak itepte chametab ge, ko u ye iberurot sobondang'ung' (3 Johana 2). Nam kayomisutik alak tugul che igeere eng' Ngolyotab Kamuktaindet, ak ing'alal choto eng' lagokuk, bortang'ung', ak mung'areng'ung'. Ngot ko ma mie bortang'ung', ing'alalji Ng'olyotab Kamuktaindet, ago igeere koweekse chametab ge, eng' kenyini bo ichek che ing'etie sirimok.

### **MAONATET NE KIMWACHIN GE**

Atononen kimnatetab Kamuktaindet. Ang'anye ak amwae ale, sobe gonyun eng' mieindab borto, nyoru borotet boisiyun, ago agase logoiywek che miach betut age tugul eng' sobenyun, eng' kainetab Jesu! Amen.

### **TESETAB SOMANET**

1 Laitorinik 8:29

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Tienwogikab Kalosunet 11:1-17:5

[www.goodnewsdailydevotional.com](http://www.goodnewsdailydevotional.com)



Betutab Lo, Arawetab Lo 7

## OBESIEN AK ASALEL

### Atebetab Lawik 16:8

**Ak koser Aron barberek agobo kwesichoto aeng'; bunjin age Jehovah, kobunjin age Asasel.**

Eng' sirutietab rani kegeere kwesik aeng' kigoito; agenge ko kigigochi Kamuktaindet koek tiseiwot, ago age ko kigiyokyi Asalel. Kwesta nebo aeng' ko ma kigoito ko tiseiwot. Kigigoito koibot logoiywek che yaachen, koboor katiagetab bikab Kamuktaindet eng' tengekwogikwak. Kigigochi Asalel oindet ne bou ong'atet, ago noto ne kiityin kewelutik tugul che mi ng'oniyuni.

Kwesta ne wendi ong'atet ole mi Asalel ko noto ne ibe tengekwogik, ago iboru noto kole kiibe tengekwogik eng' sainato kiigoito tisindet ne o. Kiib tengekwogikyok Jesu Kristo, eng' kimurtoiyot. Kasarta ne kiiyan Jesu koek Kiptaiyat ak sorunindeng'ung', ko kiginyoun kat tengekwogik. Itiagat anyun eng' kiruogutik che kigosirto. Sob eng' leelindab katiaget ne mi eng' Kristo, ne kigotiachin ak inaam iboisien keljinaik che mi eng' ichek che lagokab Jehovah. Ilosun Jehovah!

### MAONATET NE KIMWACHIN GE

A lakwetab Kamuktaindet; maatinye katuuyet ak bunyot anan ko oikyik. Awendoti eng' katiaget, ko a lakwetab Kamuktaindet. Ami barak eng' mianwogik ak korotwek. Asobe sobetab mieindab, borto eng' kainetab Jesu. Amen.

### TESETAB SOMANET

Atebetab Lawik 16:10

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 17:6-18:36

[www.goodnewsdailydevotional.com](http://www.goodnewsdailydevotional.com)



Betutab Tisap, Arawetab Lo 8

## TEEBEN GE KAMUKTAINDET TISEIWOT

**Hagai 2:8**

**Chechuk fedaisiek, ak chechuget tahabusiek agichek, mwaei Jehovah ne bo lugosiek.**

Lelutiet ne yaei Kristianik che chang' ko ibwati kole, ye ng'alalen Kamuktaindet agobo konunoik anan ko keswot, ko ma ng'alaljin borwekwak che tinye kewelutik. Kobaten ng'alaljin Kamuktaindet ne mitei orinywan. Inye ko oret ne ng'alaljin ge Kamuktaindet eng' oring'ung'. Bitu kewelut ye iwalu eng' oldab rarunet, ne kata ichamjini Kamuktaindet ne mitei oring'ung' kowol.

Ingen Kamuktaindet kole menye oring'ung', ak torornatet tugul, ak mogornotetab oindanyin, ago icheru konunoik che makyin ge. Kobaten anichutyi, ak iwolu kotieen ge uinwek, ak rarunet ne igeere, iteere kamugetab Kamuktaindet konyil konunoiguk, anan ko keswot eng' chang'indo. Ingen Kamuktaindet kole I mogoriot. Noto ko ole ingenden eng' Kristo, ago nyolu anyun ibuur kou noto. Ye ng'alal, ichamjini Kamuktaindet ne mi oring'ung' kowol, ak igeer chang'indo kobiitu.

### **MAONATET NE KIMWACHIN GE**

Aiboti Kamuktaindet eng' orinyun; atinye borotet ne o. A kit ne kuuron Kamuktaindet. Aesioi rarunet betut age, eng' kenyini bo ichek che ing'etie Sirimok, eng' kainet ne toror nebo Jesu. Amen.

### **TESETAB SOMANET**

1 Ateptab betusiek 29:16

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Tienwogikab Kalosunet 18:37-21:13

[www.goodnewsdailydevotional.com](http://www.goodnewsdailydevotional.com)



Betutab Tai, Arawetab Lo 9

## INYE AK KESWOT NENG'UNG'

### **Pilipik 4:16**

**Amu agot eng' Tesalonika ko kioyokwa atkai tugul tugul che kiabanani.**

Ayani mising' ale ng'alekab keswot ak konunoik, ko kit ne maiguitos bik komie eng' bortab Kristo. Ui mising' kecheer ole o eng' Kristianik, kogon konunoik che kitoreten boisionikab kaniset, kayaptaetab logoiywek, ak amdaet. Konunet ak koletab Keswek, ko kaimut ne o eng' Kristianik--- ma amu mamitei fedaisiek kobaten, matinye ichek kaguiyet ago kewelen kabwatutikwak

Nyolu iguiye kole keswot neng'ung', kotononjin fedaisiek che igoitoi rani, si kobiit kochop mutai ne imakyini ge. Konunet ko tiinye ge mising' ak kayanet. Ye igoole eng' boisionikab kaniset, ak kayaptaetab logoiywek che miach, iboru kole iyani kamugetab Kamuktaindet kogonin somutiguk. Boisionito bo kayanet koyae inyorchi ge somutiguk, eng' oret ne siire ole ibwatitai, ak koityin chang'indo ak yametab ge. lite ole ma raru kiy, ama betot kiy eng' sobeng'ung', ago memakyini ge kiy kobun olda tugul--- eng' nguni ak eng' tai, eng' kenyini bo ichek che ing'etie sirimok, ak kosiir!

### **MAONATET NE KIMWACHIN GE**

A konorwetab keswek. Ma weksej let eng' konunet ak koolet, amu a chi ne konu eng' chokyinet, eng' kainetab Jesu! Amen.

### **TESETAB SOMANET**

Tito 3:14

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Tienwogikab Kalosunet 22:1-24:6

[www.goodnewsdailydevotional.com](http://www.goodnewsdailydevotional.com)



Betutab Aeng', Arawetab Lo 10

## CHENG' NG'OMNATET

### Kalewenaik 4:7

**Ng'omnatet ko kit ne o; cheng' anyun ng'omnatet: Ee, cheng'jige naet koboto tugul tugul che itinye.**

Sirutietab rani ko mwaei kole ng'omnatet ko kit ne o, ago eng' tuguk che icheng'e, icheng' naet. Lelut ne mi ko cheng'e bik oret, ak tuguk che kiyae, ak che ma kiyae, si kenyor ng'omnatet. Kobaten mwawech Bukuit Ne Tilil kole Kristo ko Ng'omnatenyon. Ye itinye Kristo, itinye ng'omnatet. Keer kole itunetab Kristo eng' ng'ony, ko ki amu eng' kogoitoet. "Amu kicham Jehovah ng'ony mising' kot koyokwech" (Johana 3:16).

Ng'omnatet anyun ko nyone ak kogoitoet, ago kogoitoet ko tiinye ge, ak koletab keswek. Ye igoitoi keswot, ko tesoksei chametab Kamuktaindet eng' mung'areng'ung', gong'ung' ak fedaisieguk. Chamanito ko tese boisiet ak yietab logoek. Tos kaiguye ngunon? Ye igole keswot ichamjini chametab Kamuktaindet, konyil boisionikab euneguk. Inaam igoite ak naet kole tesin chametab Kamuktaindet, ak inyoru borotet eng' kainetab Jesu.

### MAONATET NE KIMWACHIN GE

Agoitoi eng' kimnatet; ng'alalseiwon keswekyuk ye siisatin tugul tugul. Magoi koiman kiy age tugul, teer kesinyun. Atese tai awendi barak ak aetu, eng' keniyini bo ichek che ing'etie sirimok. Amen.

### TESETAB SOMANET

Tienwogikab Kalosunet 49:16

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 24:7-27:6

[www.goodnewsdailydevotional.com](http://www.goodnewsdailydevotional.com)



Betutab Somok, Arawetab Lo 11

## CHUTYIN TUGUK CHE EECHEN

**Luka 5:7**

**ak king'wech bik che kiboisiei tugul che kimi moinget age, kole kobwa kotoret. Kobwa anyun, ak konyiit moingonik tuwai, kot kotoi moingonik kosu .**

Sirutietab rani ko kaborunet ne mie, nebo boisiet ne ka kiyomechi ge. Igeere kole ng'alalet ko ki mi kwenutab Petero ak Jeiso. Eng' ng'alek alak, ko kinyonji Petero rhema, ago kigas ak kiisub anyun ng'atutik, ak konyor njirenik che chang'. Ago kibwa anyun toretikab Petero si kobiit kotoret, ago kinyi moingonikwak kot koranda ge. Ng'anda magas toretichoto kit ne kimwa Jesu, ko kinyorji ge anyun keljinet eng' chang'indo.

Eng' kasetab tuugetab Kamuktaindet anan ko kuursenyin, ko ma tilu kiy ngo ki imi kong'eete kanamet, anan achicha. Kit ne tilu ko ites tai ak boisiet eng' ole mitei boisietab Jehovah. Ngot ko tuugetab Kamuktaindet ne king'alal, igeerjinige walutik.

Ye igeer konyeek che koriotin koyataksei, itiik che timatin koyataksei, komandoi Ukimwi, koisto ge sonatet ak alak, koborun noto kole nyolu ichutyi yoto ak itoret. Toreteng'ung' ko yaei ichutyi tuguk che eechen, che yaei Jehovah eng' kenyini bo ichek che ing'etie Sirimok.

### MAONATET NE KIMWACHIN GE

Tuguk che tokyin ge Kamuktaindet, atokyini ge; tetutik che bo Jehovah ko tetutikyuk. Atoreti Kamuktaindet koyai che eechen. Abaibai amu ki koguurchon Kamuktaindet tetutikyik, si asuldaen boisietab sobenyun eng' kainetab Jesu. Amen.

### TESETAB SOMANET

Mariko 4:36

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 27:7-31:5

[www.goodnewsdailydevotional.com](http://www.goodnewsdailydevotional.com)



Betutab Ang'wan, Arawetab Lo 12

## INETKEI IBOU RABISIEK

### Matayo 6:24

**Mami chi ne imuchi koot kiptainik aeng'; amu wechei age, ak kocham age: anan konamgei ak age, ak kosas age. Momuchi oot Jehovah ak magornatosiek.**

Ng'alaletab Fedaisiek ko kit ne nyelnyel eng' che chang', eng' bortab Kristo. Chang' che mwaei kole ng'alaletab rabisiek, ko ma nyolu agot kegas. Alak ko mwae kole aning'alalen rabisiek, ko kenaam iamde logoiywekab borotet. Achicha ma u noto, achek ko ki Kristianik che tese tai eng' borotet. Kisoptosi eng' maonatetab ng'ang'utik, eng' Yunanik ko ng'olyot apokalyptosis, ne eng' arorunet ko istoetab berik eng' konyek, si kiguiyo imanitab chametab Kamuktaindet.

Kit ne iime bik che chang' ko nyogorietab rabisiek. Memuchi itiach che siire che iarogenjini. Cherset ne agonin, ko mat iarogenji rabisiek! Mitei tamirmiriet ne bou rabisiek, ago ye isindan nyogorionoto, inaami ibou tamirmiriet ne tononjin rabisiek. Ye kagoisto ge nyogoriet, konaami bounisieng'ung' nebo rabisiek. Eng' kenyini bo ichek che ing'etie sirimok, inaami ibou rabisiek eng' mung'areng'ung!

### MAONATET NE KIMWACHIN GE

Abou rabisiek ago loitunan nyogorietab rabisiek. Asobe sobetab borotet ak mieindab borto, kou ye mwae Sirutikab Kamuktaindet. Abesendoi ago ma some, eng' kainet ne toror nebo Jesu. Amen.

### TESETAB SOMANET

Luka 16:11

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 31:6-33:5

[www.goodnewsdailydevotional.com](http://www.goodnewsdailydevotional.com)



Betutab Mut, Arawetab Lo 13

## KEER AK KONYEKAB TAMIRMIRIET

**Job 22:24**

**Ak igonor konoraiguk eng' ng'ung'unyek, Ak igonor tahabu che bo Opir eng' koik che bo kererusiek.**

Kimi kasarta eng' kenye eng' Israel, eng' betusiekab Gideon, ole kimong'ji Kamuktaindet Gideon. Kimong'ji Malaikayatab Kamuktaindet Gideon, ak konaam komwachi inendet ng'alekab katororet, ak koguuren Gideon muren ne kim ago nyigan, eng' komostab tamirmiriet. Kiwol anyun Gideon eng' kwong'et, koaror agobo sobenyin ak ole kibunu, che tupcho, boisiyenin, ak tuguk che ki uon ma nyolu inendet. Kobaten ki ma magen kiy Kamuktaindet tuguk tugul, che ki aroru Gideon. King'alaljin komostab tamirmirienyin.

Nai kole oldab tamirmiriet, ne tilu kole I ng'o eng' iman, ama tuguk che tiinye ge ak bortang'ung', anan ole isoptoi. Ye mwaei Kamuktaindet kole I mogoriot, inam noto, iyan noto ak inaam imwachi ge. Mat igeer kewelutik che itinye, kobaten keer komandaen tugukab borto. Inaam igeer ak konyekab tamirmiriet, ama chebo borto. Itinye konyekab tamirmiriet. Keer ge kou ye keerten Kamuktaindet. Mwaei kole ibesendechini emotinwek, ago me beseni, imitei barak kityo ama ng'ony. Iyan inendet ne kimwa noto, ago inyoru kwong'utik eng' kenyini bo ichek che ing'etie sirimok.

### MAONATET NE KIMWACHIN GE

A kit ne kuuron Kamuktaindet. Abute kiwatosiek, andoisei, ago atinye kimnatet eng' komostab tamirmiriet. Baoriani sobenyun agobo kimnatet ak torornatetab Jehovah, eng' kainetab Jesu! Amen.

### TESETAB SOMANET

1 Laitorinik 9:28

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 33:6-35:21

[www.goodnewsdailydevotional.com](http://www.goodnewsdailydevotional.com)



Betutab Lo, Arawetab Lo 14

## SIGNOL CHE BUNU EMET AGE

**1 Korintoek 14:10**

**U kele, mitei kutuswek che chang' che terotin eng' ng'ony, ama mi ne matinyei kit ne iboru.**

Ki amwa ak agetyini kora ale, mamitei tuuget ne matinye kit ne iboru. Imuchi itien anan agot iurerenji tiendo, anan ko biretab sugutisiek che tinye tuuget ne anyiny, ak iboiboenji. Imanit ne mi ko tienon mekuitosi ak iurerenjini, komuchi ko signol nebo oik, kobwa komutyin ak kosich konda ne chutenen. Tuguk che igase, tuguk che iurerenjini, ak tuguk che itienjini, ko tinye kit ne iboru eng' komostab tamirmiriet, che imuchi ko mengen.

Mat iib tugosiek, anan ko tienwogik alak tugul eng' tangoi, imuchi koimin eng' komostab tamirmiriet. Tienwogik alak komuchi koyai mitunet nebo yaityo, amu kuure oik. Ma nyolu keib tuugosiek eng' tangoi, tuguk che iboru komuchi ko ma togu eng' inye, kobaten imuchi ko oret ne chutunen tuguk che yaachen, anan ko chutunen malaikaisiek che yaatun kabereung'ung' ne isubi.

## MAONATET NE KIMWACHIN GE

Eng' kenyini bo ichek che ing'etie sirimok, ayaatyini itikyuk koityi ak kogas Sion. Rang'u ge tienwogikab kabereut eng' kutinyun. Aesioi aek oretab oik, eng' tienwogik che ibu otwognatet rani, ak betusiek tugul, eng' kainetab Jesu. Amen.

### TESETAB SOMANET

1 Korintoek 14:11

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 35:22-37:26

[www.goodnewsdailydevotional.com](http://www.goodnewsdailydevotional.com)



Betutab Tisap, Arawetab Lo 15

## TES TAI IMWA NOTO

**Johana 6:63**

**Tamirmiriet ne igoitai sobondo; matilei kiy borto: tamirmiriet ak sobondo ng'alek che kaamwawok.**

Ng'alek che kagimwa ko ibe kimnatet, ne kuure tamirmiriet, ne name ge ak ng'alechoto, ak konaam kobois. Ye ing'aanye borotet, konyone tamirmirietab borotet, ak konaam kosuldaen borotet eng' sobeng'ung'. Ye iyae mung'aret anan ko boisiet age tugul, ing'at borotet ak iyan ge eng' ng'aleguk. Ng'alal kobun komostab kimnatet, ak kobun ole kiguurjin Kamuktaindet, ama ole imitei nguni. Nai kole nyone kayanet eng' kasetab Ng'olyotab Jehovah.

Mat isis---Kristianik che sistos ko meitos eng' mutyo. Ya mising' ngibwaat tuguk che yaachen, ak kemwa tuguchoto. Ng'alek ko ibote kimnatet. Ng'etu eng' barak koganye kosulda eng' kasarta ne noto. Ng'alek che yaachen ak che bo oik kosuldai, eng' chokyinet kosiir ng'alek che miach. Ko anyun imete ng'alek che yaachen, che imwaitoen lagokuk, gong'ung', ak mung'areng'ung. Ng'at mieindab borto, borotet, koindaab sobet, ak chang'indo eng' gong'ung', eng' kenyini bo ichek che ing'etie Sirimok!

## MAONATET NE KIMWACHIN GE

Ang'alali ng'alek che ibu kaberuret eng' sobenyun. A kagesunetab tuguk che ang'alali. Ane ne ibelisie ama kiibelon. A mogoriot ago chame ge bortanyun, ago mamitei kiy ne tos yai bunyot, eng' kainet ne toror nebo Jesu! Amen.

## TESETAB SOMANET

2 Korintoek 3:6

## CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 37:27-39:13

[www.goodnewsdailydevotional.com](http://www.goodnewsdailydevotional.com)



Betutab Tai, Arawetab Lo 16

## INGOCHUTIN SIRUTIK

**Jeremia 20:9**

**Ak ngot amwa ale, Mamwae kiy agobo inendet, anan ang'alal eng' kainennyi, kobiit anyun eng' muguleldanyu ko u mat ne lalei eng' kowekyuk, ak ang'et eng' muitaet, ak mamuchi asis.**

Kimwa maotiot Jeremia, agobo Ng'olyotab Kamuktaindet kole ki u mat eng' kowekyik. Ng'anda kigius ak keesio inendet, ko kiesio ine koek chi ne ibaibai bik, kobaten kimwae imanitab Kamuktaindet eng' nyiganatet. Ng'alek che kimwae ko tinye kimnatet, koib chametab ge eng' bortang'ung', ak koyai fedaisiek kobwanjin, ak koib kalyet eng' gong'ung'. Sobet eng' sobondang'ung!

Ye chutin Sirutikab Kamuktaindet ak koek agenge ak bortang'ung', ko memuchi ibou. Betun kit age ne iyae, kobaten ing'any sirutichoto eng' kewelutiguk. Inetkei sirutik betut age tugu, ak ibwatate, ak kochutin. Yai Sirutikab Kamuktaindet, koek amitwogikab lang'at ko tomo iru, ak karonet age tugul, si kobiit kogiimit tamirmirieng'ung', ak inaam betung'ung' komie. Yai kou nito ago inyuru borotet betut age tugul, eng' kenyini bo ichek che ing'etie sirimok.

### **MAONATET NE KIMWACHIN GE**

Sobenyun ko igu sobetab kwong'utik, amu Sirutikab Kamuktaindet ko amitwogikyuk. Ma baren rubeet tamirmirienyun, kobaten abaen amitwogik che kararon, che bunu Sirutikab Kamuktaindet, nguni ak kasarwek tugul! Ilosunot Kiptaiyat! Amen.

### **TESETAB SOMANET**

Boisionikab Che Kiyoktoi 4:20

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Tienwogikab Kalosunet 40-42

[www.goodnewsdailydevotional.com](http://www.goodnewsdailydevotional.com)



Betutab Aeng', Arawetab Lo 17

## ATEPTAB BORIET

### 1 Timoteo 6:12

**Yai luget ne mie ne bo kayanet, nam sobondo ne bo koigeny, noto ne kigiguurjin, ak kiing'any ng'ang'et ne mie eng' taitab baorinik che chang'.**

Ng'olyotab Kamuktaindet eng' oring'ung ko kergei ak risasiat eng' pistonit. Ye imwokte, kotioli ak kogon botanet eng' tetutikab bunyot. Ole mi kaimutiet ko indoi risasiat pistonit, ago ne kata imwoktoi, itononi ago ne tese tai komwagin bunyot.

Mamitei kasarta ne ng'etunot eng' oindet. Kutit kityo ne kase ko boriet. Eng' kenyini bo ichek che ing'etie sirimok, ko mat iweech let anan itonon----Ingoyamen yoto! Ye I askarindet eng' boriet, ko ma nyolu itonon anan ibwat konyil aeng'. Igun ne tai imwakse, ko tomo kosich bunyot kasarta komwagin. Nyolu imwok ko ma mwogin. Mat ibwatyi. Inaam nguni imwok oindet, ak ng'alaletab kutuswek ne metononi, ak igeer kogesu ge eng' kainet ne toror nebo Jesu.

## MAONATET NE KIMWACHIN GE

Ayachini boriet gonyun, chametab ge nebo bortanyun, lagokyuk ak katunisienyun, eng' kimnatet ne mi barak aone bunyot. Abo luget ago ma anyogor. Ayae boriet ago achobot andoen bunik tugul, che bunu nganasetab oindet, eng' kainetab Jesu! Amen.

### TESETAB SOMANET

Pilipik 3:12

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 43:1-45:12

[www.goodnewsdailydevotional.com](http://www.goodnewsdailydevotional.com)



Betutab Somok, Arawetab Lo 18

## **SOBETAB KRISTIANIK 2.0**

**Galatiek 5:22**

**Ago logoiyotab Tamirmiriet ko chamnyet, boiboiyet, kalyet, muitaet, talasiet, mieindo, atepto ne kiyan,**

Muitaet eng' kutitab Yunanik ko ng'olyot makrothumia, ne noto ko tiinye ge ak konyisiet, ak tokyinetab ge. Ye itinye makrothumia, itinye kimnatet itonon komie eng' uinwek. Itinye mat ak kimnatet ne o eng' oring'ung, ko mat ichamji kewelutik koterterin. Chamjin logoyatab Tamirmiriet ne mitei oring'ung, koranda ge, ak kola kimnatosiekab inendet ne ya.

Tonon ak irib ole imitei, kebebarta ne ng'etunot eng' keniyini, ko kasartab kasuldaet, tes tai igil ge. Itinye kimnatet itonon matin kaityiin ne. Nito ko keniytab ichek che ing'etie sirimok!

Kaiityi komosta age ne leel, ago yoto kobwane oik che leelach, che kiyogu kobun nganasetab bunyot, kobwa koimin. Kobaten ma I chi age tugul. liboti bortab Kamuktaindet, ago menye oring'ung Tamirmiriet Ne Tilil. Mat irire ge. Isten kaset age tugul nebo konunetab ge. Itinye maonatet kole keniyini ko keniytab ichek che ing'etie sirimok. Ng'eet anyun eng' ruondo, ak iyachi Jesu kwong'utik.

### **MAONATET NE KIMWACHIN GE**

Atononen Koita; malise. Ng'etu metinyun eng' baragutab bek. Asobe sobetab kabelisiet eng' kainet ne toror nebo Jesu! Amen.

### **TESETAB SOMANET**

Romanik 5:1

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Tienwogikab Kalosunet 45:13-48:14

[www.goodnewsdailydevotional.com](http://www.goodnewsdailydevotional.com)



Betutab Ang'wan, Arawetab Lo 19

## TESE TAI KANISSET

### Matayo 16:18

**Ak amwaun agane ale, i Petero, ak ateeche kanisennyu ruandani; ak maneneti kimnatosiekab oldab che kigobek.**

Kimwa anyun Kiptaiyat Jesu eng' nyiganatet, kit ne bo kamanut koboisien ng'ang'utietab Petero Ne Kiyoktoi kole, "Jesu ko Mesia, Weritab Kamuktaindet ne sobe" (Matayo 16:18). Kimwa kole, "ateeche kanisennyu ruandani; ak maneneti kimnatosiekab oldab che kigobek." Nyolu noto kogonin nyiganatet ko I Kristianindet. Kaniset ko ma inatusiek ang'wan che bo got--- kaniset ko inye. I hekalutab Tamirmiriet Ne Tilil, ne noto ko kwenutab Kamuktaindet.

Sirutioni ko ng'alalen kimnatosiek, ak kewelutik che chobotin koteerin, anan koteer bandang'ung' nebo tai. Ago kit ne kimwa Jesu eng' kasarato, ko ta koboisie agoi ra. Mamitei kimnatosiek kobun bounatetab oik, che imuchi koteer bandang'ung' nebo tai. Imuchi kou ne meityini kiy, kobaten kany anyun ko mabek kenyini, ago itu kasartang'ung' nebo kasuldaet, ak kogeer bik tugul.

### MAONATET NE KIMWACHIN GE

Sobenyun ko ratat eng' kristo. Amutoti inendet ne iboti tuguk tugul eng' eunekyik. Mabutii. Mitei sobenyun komie eng' Kristo, ago a kabelindet. Mamitei kimnatosiekab oldab che kigobek, che imuchi koteer bandanyun nebo tai, eng' kainet ne toror nebo Jesu! Amen.

### TESETAB SOMANET

Boisionikab Che Kiyoktoi 20:28

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 49:1-51:9

[www.goodnewsdailydevotional.com](http://www.goodnewsdailydevotional.com)



Betutab Mut, Arawetab Lo 20

## TETUTIKAB KAMUKTAINDET CHEBO KABELISIET

**Kiruogik 7:7**

**Ak kilenji Jehovah Gideon, Asoruok eng' bichoto bogol somok che kalab beek, ak ande Midianik euneguk: ago ingoba bik tugul, ingowo chi tugul oldanyi.**

Iboru Sirutikab keny kole kiba boriet Israelik ak lugetab bunik 120,000, eng' kandoinatetab Gideon, ago lugetab Israel ko ki askarik 32,000 che kimen. Kinyilen lugetab Israel ang'wan. Agot eng' noto ko kilenji Kamuktaindet Gideon, koboos lugenyin agoi kong'et murenik 300. Eng' iman ko ki ma chute ge noto, kobaten ortinwekab Kamuktaindet ko ma chute ge---bo kayanet.

Kiboos anyun Gideon lugenyin kou ye king'at Kamuktaindet, si ye kiibelis koguiyo ichek kole ki Kamuktaindet, ama lugenywa ne ming'in, ne kisor ichek. Kasarwek alak ko isto Kamuktaindet bik che kamutyin, si yeit kasartang'ung' nebo kasuldaet, kobunji inendet torornatet. Eng' kenyini bo ichek che ing'etie Sirimok, ko baornateng'ung' kobo torornatetab Kamuktaindet. Iyan inendet kityo.

### MAONATET NE KIMWACHIN GE

A askarindet eng' lugetab Kamuktaindet, ayani kandoindenyun koitita. Masikyini kasarta, ng'alset tugul nebo bunyot. Kamuktaindenyun kobo boriet, ago soruon! Amen.

### TESETAB SOMANET

1 Samuel 14:6

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 51:10-54:7

[www.goodnewsdailydevotional.com](http://www.goodnewsdailydevotional.com)



Betutab Lo, Arawetab Lo 21

## BAIBAITUN

### Jakobo 1:2

**Tupchosiekyuk, oiit ole boiboiyet kityo ye konyoru yomsosiek che terotin.**

Sirutietab rani kong'atech kiit kele boiboiyet kityo, ye kinyoru yomsosiek che terotin. Angen ale ui mising' kenyiim kasarta ne kibire kurgeng'ung', amu kiyoochin rabisiekab got che kigosiir arawek lo, anan ko tomo koityi kenyini bo kang'etietab Sirimok ole nyolu, ak kogergeit ak ne yaachen tuguk tugul kong'eete kanamet.

Imuchi ko kiibeet boisieng'ung', tese tai kobutoksei katunisieng'ung, komusok lagoguk, ak kogeos ge rabisieguk. Nan acherin rani ale, maonateng'ung' kobun Kamuktaindet rani, ko bo iman ago ma ibuti. Ingen Kamuktaindet kewelutiguk. Kere kaimutiguk, ago tese tai komwae kole ibaibaitu, amu ingen kagesunet kong'eete kanamet. Kewelutik che ibune ko kanapten iityi ole imakyini ge. Kasarta ne ng'etunot eng' kenyini, iletyeni mising' eng' kainet ne toror nebo Jesu. Amen.

### MAONATET NE KIMWACHIN GE

Sobenyun ko sobetab etunatet. Awendi barak eng' tuguk tugul. Kagoit kasartanyun nebo boiboiyet, ago atese tai abaibaitu, ak agaase ge eng' Kiptaiyat. Ilosunot Kamuktaindet. Amen.

### TESETAB SOMANET

Romanik 5:3

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 55:1-57:3

[www.goodnewsdailydevotional.com](http://www.goodnewsdailydevotional.com)



Betutab Tisap, Arawetab Lo 22

## LOGOYATAB MOENG'UNG

### Rirekab Jeremia 2:19

**Ng'eet, waach kemoi eng' taunetab saisiejab kemoi; Rong'u muguleldang'ung' ko u beek eng' taitab Kiptaiyat: Namji barak euneguk tokyi inendet agobo sobonwekab lagoguk, Che tanuitos eng' rubet eng' tabandab oret age tugul.**

Sirutietab rani kolenjiin irong'u muguleldang'ung', komong' eng' saet. Ng'olyot "komong" eng' Hebranik ko ng'olyot shaphak, ne eng' arorunet ko kerong' eng' neregek---kou Jesu ye kisae eng' mbaretab Getsemane, ak kolupchoni cheu korotik, eng' kimnatetab saenyin. Lagoguk kotononjin betusieguk chebo bwane, ak kamang'uneng'ung'. Ye mache bunyot lagoguk, irong'u neregeguk eng' saet, ak ilenji oindet, magoi koityi lagokuk.

Eng' rani asaachini lagoguk. Magoi koityi rubet, ago ma tanuitos, ago magoi chutyi ichek kawiswiset. Ye isaachini lagokuk, iyai kou noto eng' saisiejab kemoi. Igilchin ge anyun saet eng' bortang'ung' tugul. Sa eng' kimnatet. Istoi anyun oindet eunekyik eng' ichek, ago tieni gong'ung kolosu Jehovah, eng' kenyini bo ichek che ing'etie Sirimok.

### MAONATET NE KIMWACHIN GE

Andoi kiwatosiek, che ma siire bunyot eng' lagokyuk. Ang'ate ng'otwetab ripset, ye mandoi ak koweekse gaa. Aigu kametab lagok ne baibai nguni, ak kasarwek tugul. Amen.

### TESETAB SOMANET

Tienwogikab Kalosunet 28:2

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 57:4-60:12

[www.goodnewsdailydevotional.com](http://www.goodnewsdailydevotional.com)



Betutab Tai, Arawetab Lo 23

## KEWELUTIET NE MI GAA

**Johana 6:42**

**Ak kile, Tos ma Jesu nito, weritab Josep, ne kingen kwandanyi ak kamet? Lyon anyun si komwa kole, Kiachoruge eng' kipsengwet?**

Kasarwek tugul alenjini bik kogoromegitu, ak konaak eng' komostab tamirmirik. Ye imitei oret ing'etie chubisiosiekab kwansieguk che kigorat gong'wong, ko matin konyasin ye usin, ak kosasin gong'wong. Atebetab biikab ko, koesio sorunindenywa. Igeere kole agot Jesu ko kiesio bikab orenyin!

Atebetab biikab kaa kogalin ak koesien, amu rikyinetab kaillet, ne male kabwatutikwak. Biikab gaa konaito bik, ago ui eng' ichek kogeer chebo tamirmiriet, ak eng' yoto ko letu eng' tuguk che chang'. Itinye anyun boisiet isaachi gong'wong, ak che ichame. Saachin konyor naetab imanit, ak konyor kaberuretab Kamuktaindet ne mi sobeng'ung', eng' kenyini bo ichek che ing'etie sirimok.

## MAONATET NE KIMWACHIN GE

Aiboti logoiywek che miach; mamitei kiy ne imuchi kowisan eng' boisienyun. Lapkeiyet ne toror ne mitei orinyun, ko letyeni ak koisto mesundeito tugul eng' gonyon, ak koweekyi ge torornatet Kamuktaindet, eng' kainet ne toror nebo Jesu! Amen.

## TESETAB SOMANET

Luka 4:22

## CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 61-64

[www.goodnewsdailydevotional.com](http://www.goodnewsdailydevotional.com)



Betutab Aeng', Arawetab Lo 24

## RU KITIGIN, SAA MISING'

**Matayo 13:25**

**ago, ye kita koruitos bik, konyo bunyondennyi ak kogolji chemulbainik ole mi bek, ak kwo.**

Bunyot ne kiborien ko boisie mising' eng' kemoi! Setani ak oikyik ko boisie eng' kemoi, ak kogeere walutik eng' bet, ko tese tai Kristianik koruitos ruondo ne nyigis! Mamitei chi ne muenen, amu sobeng'ung ko I Kristianindet kobo barak barak. Kristianindet ne ma saei ko ma tinye kimnatet. Ami yu ang'eet ng'etunyik! Mwaei Sirutikab Kamuktaindet kole ki laitorinik, ago ki tisiik, ama osotikab laitoriat! Tisindetab gaa ko teere ge, ak kolenji ruondo kogany, yeityo koborien oindet kemoi eng' boisienyin.

Teech kamugeng'ung ak atebeng'ung' eng' oldab saet, agobo gong'ung', ak kotes tai mung'areng'ung' komie. Ma nyolu irue kemoi, ko tese tai bunyot kogonu asenet, ago ye ing'eete ko kit ne iyae, ko igeer asenet kityo! Mat igochi konyeguk ruondo, agoi igeer milionisiek, ak bilionisiekab rabisiek che imache, eng' konorweng'ung', agoi kobet kansa, agoi koisto ge bananda eng' gong'ung' ak mata koweek, eng' kainetab Jesu! Amen.

### MAONATET NE KIMWACHIN GE

Aeten konyekyuk kamung'et, ago aesioi ruondo, ye makyon ge ibindanyun andochi. Kasartanyun aletyen, ago asaachini kwong'utienyun eng' kaptisisiet, kobiit amat ko kosan eng' kenyini, eng' kainetab Jesu. Amen.

### TESETAB SOMANET

Matayo 13:39

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 65:1-68:4

[www.goodnewsdailydevotional.com](http://www.goodnewsdailydevotional.com)



Betutab Somok, Arawetab Lo 25

## KONON TULWONI

### **Kiruogik 5:20**

**Kiyai luget kong'eete kipsengwet, Kibargei kecheik ak Sisera eng' ortinwekwak.**

Mitei kasarta ne kiba luget Israelik. Kitet ge anyun murenichoto ki kimeen eng' oldab boriet, ago kiteke tai boriet eng' ng'ony. Mwawech Sirutietab rani kole kecheik ak oinetab Kishon, ko kiyai luget kotoret Israel. Mabat kiy Daudi ye kigas inendet king'wan, eng' 2 Samuel 1:21 ole kichup tulwet kole, mat kobitunen rewot anan ko ropta, amu ma toret Israel eng' boriet kasarato, ak koyai kibel ichek.

Iguitos biikab mesundeito nito, ago ma iguitos Kristianik kole, imuchi ing'alalji tulonok, ainosiek, konorweng'ung', kating'ung' nebo benki, agot ng'ung'unyek che koiminji kesweguk. Kagoit kasarta ne nyolu inaaam ing'alalji tuguk che muutyin. Mat isis, inaaam ing'alalji tuguk tugul, agobo walutik che imache igeer. Eng' kenyini bo kang'etietab sirimok, ko kase rabisiek ng'alaleng'ung'. Inaaam iguur rabisiek kobwa konorweng'ung'. Nito ko kenyit ne kitaache logoiywek che miach, eng' olda tugul.

### **MAONATET NE KIMWACHIN GE**

Ang'alaljini kiy age tugul ne mache konamchon ng'ony. Kelewen chito ne ma noto. Ma kimuchi keteron, okton ng'ony awo tai, teswon koristo chepchebindo, aite eng' chokyinet kosiir ole ibwatitoo, amu mitei ng'ony koboton! Ilosunot Kiptaiyat! Amen.

### **TESETAB SOMANET**

Josua 10:12

### **CHERSET KESOMAN BUKUIT NE TILIL ENG' BETUSIEK 365**

Somanetab rani: Tienwogikab Kalosunet 68:5-69:4

[www.goodnewsdailydevotional.com](http://www.goodnewsdailydevotional.com)



Betutab Ang'wan, Arawetab Lo 26

## TETET NE BUNU BARAK

**Tienwogikab Kalosunet 37:23**

**Chobei Jehovah ole bunoti chi ne mie; Ak baibaitu eng' orennyi.**

Mwawech Sirutietab rani kole chobe Jehovah ole bunoti chi ne mie. Ng'olyot "chobet" eng' kutit nebo Hebranik ko ng'olyot kuwn, ne eng' arorunet ko kitonosi komie, keng'at, keger komie, kechop, keyai komieit, kelumda, kecheng'ji. Toretech nito kiguiyen kole ye konin Kamuktaindet boisiet, ko toretin eng' boisionoto. Konin borotet eng' boisionoto itinye ago ma ichilili.

Ye mamitei toretet eng' boisionoto kigonin Kamuktaindet, ko nyolu kechege komie boisionoto. Boisiet ne konu Kamuktaindet, komieite noto, ago agenge eng' arorunet ne kaagenyuru. Arorunet age nebo "chobet" ko keyai konyor borotet. Matin komein muguleldo. Kamuktaindet ne kigonin boisiet, ko ma tinye kamuget kobut. Inendet ko wole sobetab ne itokyini ge. Chobogen eng' kenyini bo ichek che ing'etie sirimok. Negit koit, kasartang'ung' nebo boiboiyet. Ilosun Kamukuktaindet!

## MAONATET NE KIMWACHIN GE

Anyoru kasuldaetab boiboiyet ye asubi boisiet ne kigonon Kamuktaindet. Sobenyun ko igu sobetab baornatosiek, ago ma mitei riebetab bunyot, anan ko kaimutikab oik, che imuchi koteer bandanyun nebo tai, amu anyorune Kamuktaindet ng'atutikyuk! Amen.

## TESETAB SOMANET

Tienwogikab Kalosunet 18:19

## CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 69:5-71:16

[www.goodnewsdailydevotional.com](http://www.goodnewsdailydevotional.com)



Betutab Mut, Arawetab Lo 27

## KOBORUNETAB KAYANET NE NYIGAN

**Mariko 2:4**

**Ago kingab mata komuch korikiy inendet amu tuiyet, kong'any got barak, kotokiyi ole mi inendet: ak kingo kagobut, kochoortae itogut ne kirue chito ne tinyei miando ne meat borto.**

Igeere nyiganatet ne kitinye bichoto! Ye kigeer kole kigerotin ortinwek tugul koiityi Jesu, chorwenywa ne kimioni--- oret nebo taa, oret nebo let, agot tirisiok---kobaten kiesio kogo ge. Kiboisien anyun kabwatutikwak, ak kocheng' oret age ne noto ko baragutab got! Nan acheerin rani --- chobot kwong'utieng'ung'. Kimong'unen eunekab Kamuktaindet keny! Matin ko nee ne tere visa neng'ung', boisiet, anan ko bandang'ung' nebo tai, ko isuldoi tugul eng' kasarta ne matian. Ngobwati kole kager kurget nebo taa, anan ko nebo let, anan ko tirisiok, ko nyone anyun oret age ne ma iguitos. Nyoru kwong'utieng'ung' oret age ne ityinen. Ko mat iimage agobo ole imuktoi ge. Yae Kamuktaindet oret eng' ole uon mamitei oret. Nyone neng'ung' eng' oretab chokyinet kobun barak, ak koityin eng' kenyini bo che ing'etie sirimok.

### MAONATET NE KIMWACHIN GE

Achopchinot borotet; ma begu sobenyun kou nito. Aegu kaborunet ne sobe, ne ibuse, ne wendote, ne urereni ak koborto torornatetab Kamuktaindet! Amen.

### TESETAB SOMANET

Luka 5:19

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 71:17-73:20

[www.goodnewsdailydevotional.com](http://www.goodnewsdailydevotional.com)



Betutab Lo, Arawetab Lo 28

## KAYANET NE TOGU

**Luka 5:20**

**Ak kingogeer Jesu kayanenywa, kolenji, Chichi, kagenyoun kaat tengekwojiguk.**

Kayanet kimuchi kegeer. Kayanet ne kim ama twou, ko togu. Tos togundo ano kayaneng'ung'? Ye iyachi boisiet. Kayanet ne matinye boisionik ko meat. Ko nyolu anyun iyai kit ne iyani. Kayanet ko ma nyolu, ko ma iyani Ng'olyotab Kamuktaindet. Kasarwek ala,k ko nyolu keborien ak Sirutik, kou kit ne kiyai Jakobo. Kiigigu ama inoktoi, kinamchi ge Ng'olyot agoi konyor kaberuret, amu eng' kagilenyin. Eng' ng'wanindo, meetab muguleldo, ak kagiletat ge eng' kemoi kot koech, ko kimuitechi Jakobo agoi kowalak kainenyin, ak betusiekyik che kiisubi.

Tebut rani anyun ko tos keer Kamuktaindet kayaneng'ung'? Kiyaaen boriet Timoteo, maonatet ne ki kigochi sobenyin. Eng' keniyini bo che ing'etie sirimok, kotiagatin maonatosiek agobo sobeng'ung'. Tos iyaen boriet ng'alechoto, igeer kole kaisulda eng' gong'ung', mung'areng'ung', anan ko kuureng'ung'? Nai kole chametab Kamuktaindet ko ma chute ge eng' kabwatutik, mache kayanet. Taach kwong'utieng'ung rani, eng' kainetab Jesu!

## MAONATET NE KIMWACHIN GE

Togu kayanenyun. Mayani che mayani. A kou ole mwaito Kamuktaindet--- a borot, atoreti kaniset arabisiekyuk, agoitoy eng' kimnatet, ago a chobot asuldaen logoiywek nguni, ak kasarwek tugul! Amen.

## TESETAB SOMANET

Taunet 22:12

## CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 73:21-76:7

[www.goodnewsdailydevotional.com](http://www.goodnewsdailydevotional.com)



Betutab Tisap, Arawetab Lo 29

## SAISIEKAB JEHOVAH KO TILU KIY

### 1 Atebetab betusiek 12:32

**Ak che bo lagokab Isakar, che kiiguitos agobo betusiek, che kiingen kit ne kanyol koyai Israel; ki bogol aeng' kandoikwak; ak kigase it ichek tupchosiekwak tugul.**

Eng' kasarta age tugul, ko mitei boroinwekab borotet ak kamuget. Mitei tuguk che nyolu keyai eng' kasarta ne noto, ago ye ma kiyai eng' yoto ko ma kinyoru tuguk che kimakyin ge. Mwawech Sirutietab rani kole, ki tinye kaguiyet lagokab Isakar agobo betusiek. Ago kiyai noto koek ichek, kandoikab tupchosiekwak.

Mitei tuguk aeng'u eng' Yunanik chebo saisiek, che nyolu iguiye; ne tai ko chronos ne noto ko saisiek che bo betut age tugul, nebo aeng' ko kairos, ne noto ko sait ne kalewen Kamuktaindet. Ngotuiyo chronos ak kairos, ko tilu kiy saisiekab Kamuktaindet, kosiir che bo betusiek, ak kowalak sobeng'ung, amu chutyin imanitab kipseng'wet sobeng'ung' nebo ng'ony. Kaichutyi anyun kasartang'ung' nebo kairos, ago inaami kowalaksei tuguk eng sobeng'ung'.

### MAONATET NE KIMWACHIN GE

Ki kisikyon kasarta neu ni, si aweech ak aiste bananda age tugul eng' gonyon. Anendet ne bute chubisiet, ak asiir kiwatosiek, ago andoi. Atinye boisiet kobun kipseng'wet, aborien kewelutikyuk ak abelisie, eng' kainet ne toror nebo Jesu! Amen.

### TESETAB SOMANET

Esta 1:13

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 76:8-78:24

[www.goodnewsdailydevotional.com](http://www.goodnewsdailydevotional.com)



Betutab Tai, Arawetab Lo 30

## ORTINWEKAB JEHOVAH AK BOISIONIKAB JEHOVA

**Tienwogikab kalosunet 103:7**

**Kiiborji Musa ortinwekyik, Kiiborji lagokab Israel boisionikyik.**

Kinaita Lagokab Israel eng' ong'atet, tuguk che kiyachin ichek Kamuktaindet. Kiame Mana che ki kigochi ichek koek amitwogik. Kigeer Nyanjet Ne Birir kopchee Kamuktaindet, ma beg ago ma kerer ngoroikwak, ago ki echegitu kwosiekwak ye kit ese tai koegitu ichek. Agot kora ko ki egitu ichek ak ngoroikwak. Kiigochi Kamuktaindet taok komong'une bek, si koam koek banyek, ak kogochi ichek bek che ee, komong'une koita. Kisoptos ichek eng' kwenutab kwong'utik, ak koborunoik. Choto anyun ko ki boisionikab Kamuktaindet.

Ortinwekab Kamuktaindet anyun ko tiinye ge ak chamnyet. Chamnyonito, inyoru ye iib kasarta ne yamat eng' saet, ing'alaljini yaindeng'ung', ilosu inendet eng' tamirmiriet ak imanit, ak ichamjini Kamuktaindet kong'alalun. Tiinye ge ak kenai komie Kamuktaindet ne iboisiechini, ama kegeer kityo kwong'utikyik. Tese tai koetu chamnyenyin ye isomani Sirutik betut age tugul, ak iepchini it tuugenyin. Nam anyun tilet ne iibe kasarta ak Kamuktaindet, ago inaisiin ge kosiir, ak kosiir, eng' kenyini bo che ing'etie siririmok.

### MAONATET NE KIMWACHIN GE

Ng'olyotab Kamuktaindet ko lapkeiyetab orenyun. Mariichon kiy, amu indochin kelyekyuk, ye atese tai ariikyini inendet. Acheng'e Kamuktaindet, ko ta ko mirmir, eng' Ng'olyondenyin, ak eng' saet. Eng' kenyini anae ortinwekyik, Haleluyah! Amen.

### TESETAB SOMANET

Komong'u 33:13

### CHERSET KESOMAN BUKUIT NE TILIL ENG' BETUSIEK 365

Somanetab rani: Tienwogikab Kalosunet 78:25-72

[www.goodnewsdailydevotional.com](http://www.goodnewsdailydevotional.com)

# TOS KIIYAN JESU KRISTO?

KITAACHIN IYAI JESU KRISTO  
KANDOINDETAB SOBENG'UNG' YE ISA KO U NI;

"EE, KIPTAYAT KAMUKTAINDET, KANYONJIN  
ENG' KAINETAB JESU KRISTO, AYANI ENG'  
MUGULELDANYUN TUGUL, JESU KRISTO  
WERITAB KAMUKTAINDET NE SOBE. AYANI  
ALE KIME AGOBO ANE AK KIING'EET INENDET  
KAMUKTAINDET KOMONG'UNE CHE KIBEK.  
AYANI ALE SOBE RANI. ANG'ANYE ENG' KU-  
TINYUN ALE JESU KRISTO KO KIPTAYATAB  
SOBENYUN KOBOCH RANI. ENG' INENDET AK  
ENG' KAINENYIN ATINYE SOBONDAB KOIGE-  
NY; KAGESORUON. KONGOI KIPTAYAT AMU  
KAISORU SOBONDANYU! NGUNO A LAK-  
WETAB KAMUKTAINDET. HALELUYA!"

**IBERUROT! NGUNO KAIEGU LAKWETAB  
KAMUKTAINDET.**

To receive more information on how you can grow  
as a Christian, please get in touch with us on

**UK: +44 3333 448 612 / USA +1 240 781 6942  
RSA +27 51 004 0209**

[www.uebertangel.org](http://www.uebertangel.org) | [www.goodnewsworld.com](http://www.goodnewsworld.com)

# SIRUTIK ENG' BUKUIT AGOBO RIPSET

## ISAIA 54.

**14** A TEGAT ENG' TOLOITA, A TONONOT  
ENG' IMANDA, ALOOITUNOT ENG' NYALILDA  
– MAYWEI KIY! ALOOITUNOT ENG'  
KAMUISET – AMAGOI AGOT KORIKYON!

**15** NGOT KONG'EETYON CHI BORJET, KO  
MAGOI AIITYI KOLE KAIYOGU KAMUKTAIN-  
DET. AGO NGOT KOBORION CHI, KO MAI-  
SULDOI ENG' NOTO!

**16** KIYAI KAMUKTAINDET KITANG'INDET NE  
ILALE MANYIN, SI KOCHOPCHIGEI KARIGYIK  
CHE BO RUMISIET. KIYAI KORA INENDET  
NG'EMINDET.

**17** AGO TOMO KITANYI KARIK CHE IMUCHI  
KONG'EMAN. AGE TUGUL NE ITAAMAN KE-  
GEERE INENDET KO U KIPLMBECHWET. A  
OTWOGINDETAB KAMUKTAINDET AGO  
AGENI INENDET KOGEER KOLE KAISULDA  
TUGUK TUGUL CHE MIACHEN AGOBO ANE.

**MWOWON KAMUKTAINDET KOU NITO AK  
ISULDOI ENG' KAINETAB JESU!  
TRANSLATED FROM THE MESSAGE BIBLE IN ENGLISH**

# Kabartaetab kila keniyit eng' bororietab The GoodNews

---

## Koborunet Ne Mie Nebo Boisietab Bounatet!

Kabartaetab kila keniyit eng' bororietab GoodNews ne kitononjin Prophet Uebert Angel, ko ki kabartaet ne ki isulda komie eng' Harare Hippodrome, eng' emetab Zimbabwe. Kabartaonito ko kiigochi boroindo kebeberwek che terjin eng' Spirit Embassy – kanisetab The GoodNews Church, kobarta boisionikwak ak kobarta etunet, ak ole ityin kimnatetab The GoodNews. Agenge eng' tuguk che kigibarta ko Logoiywek Che Miach Betut Age Tugul, ole kigeerchi ge bik kimnatet ne tinye, eng' kayaptaetab logoiywek eng' ng'ony. Kigitiiny Logoiywek Che Miach chebo barnotik, ak che bo lagok, ak kamuget ne tinye kocheer ibinwek che isubi, koboisien imanitab Sirutik. Kinyor bik kasarta kotuiyo ak Logoiywek Che Miach, ak kogeer kole tinye kimnatet kobai tamirmirikab bik eng' ng'ony.

Kabartaanoto ko kigon taunetab tuguk che bo kamanut, ak tesetab tai ne bo walet, ne bunu Logoiywek Che Miach Betut Age Tugul. Kong'eete siretab bukuisiek che terjin agoi kayaptaetab logoiywek eng' intanet, ko kiibor kabartaanoto bandab tai, ak tesetab tai ne bo ole tokyin ge kaniset kondochin Prophet Uebert Angel. Eng' koborunoik che kororon, ko ki nyitat tamirmiriet ak boiboiyet nebo boisiet ne tiinye ge ak bounatet. Spirit Embassy The GoodNews Church ko tesetai ko etu, ago kabartaetab kenyini ko tononi eng' baornatetab kimnatet, ne bo boisiet ne kiyaei si kobiit kiyapta logoiywek ak torornatet ne mi tai ne nyone.

## Kobun Prophet Uebert Angel



# LOGOIYWEK CHE MIACH ENG' BANDA - ARAWET NE KIBELJINGEI SOBONWEK

LOGOIYWEK CHE MIACH ENG' BANDA ko ki kasartab kayaptaetab logoiywek, ole kichutyi toretikyok ARAWET NE KIBELJINGEI SOBONWEK, ne noto ko kit nebo kamanut ne kitau Prophet Uebert Angel. Eng' kasarato bo waletab sobonwek, ko kimanda bikyok koba ortinwek koiboti Siretab Logoiywek Che Miach, ak koamdoti eng' nyiganatet. Kong'eete nganasok agoi kokwotinwek, ko kiropta ichek Bukuisiekab Logoiywek Che Miach koityi sobonwekab bik, ak kogochi kayanet mugulelwekab bik che chang'. Kibwanji sobonwek che chang' Kristo, ak koek noto kesisiet ne o eng' bounatet. Kiek ortinwek oldab kesisiet, ago tuiyet age tugul ko ki kasarta kepcheita chamnyet, ak Logoiywekab Kiptaiyandenyon Jesu Kristo.





Banato bo kamanut ko kiibor kimnatetab Spirit Embassy – The GoodNews Church, koityi ng’ony ak logoiywek che miach. LOGOIYWEK CHE MIACH ENG’ BANDA ko ma boisiet kityo kobaten kuurset, ago ibwatyin kayanik tugul kole, amdaet ko nyolu ko sobetab betut age tugul. Ye tese tai koetu boisionoto, ketese tai keboiboenjini sobonwek che chang’ che nyoru walet, ak ketese tai kigeni kwong’utik che echen eng’ waletab sobonwek kobwanji Kristo.

To see more visit:  
[www.goodnewsdailydevotional.com](http://www.goodnewsdailydevotional.com)

# GOODNEWS DAILY COMPENDIUM



AL NENG'UNG'  
RANI!

Kosibet nebo Ng'olyotab Kamuktaindet: katiaget nebo mogornotosiekab tamirmiriet kobun GoodNews Daily Compendium. Eng' kosibetab sobet ne tononot eng' Kristo, ko toloita tokyinetab ge ne magitudumi eng' Ng'olyotab Kamuktaindet. GoodNews Daily Compendium ne tai kogonu tuguk chebo kamanu ne mamitei ne kergeri eng' banito, amu tete komie Ng'olyotab Kamuktaindet eng' kebeberwek che nyolu kinetkei ak kiguiyo.

Kobun Prophet Uebert Angel

WWW.GOODNEWSDAILYDEVOTIONAL.COM



# TORET ILIPAN KUTIT AGENGE

Ochutech eng' banito mie ye otoretech eng' fedaisiek, ak kayaptaetab Logoiywek Che Miach, si kobit keityin milionisiekab mugulelwek eng' ng'ony. Kemi kibagenge kepcheitoi logoiywek che miach, chebo chametab Kamuktaindet koityi nganasok tugul, ortinwek tugul ak gorik tugul, eng' kutuswek che terjin eng' ng'ony. Eng' arawet age tugul, kopcheito buch toretikyok Logoiywek Che Miach, koityi gorikab ichek che matinye sigik, che mi korgorosiek, oldab kanyoiset, gorikab bik che osen, oldab somanet, ole boisien kandoikab emotinwek, ak komoswek alak che chang' eng' ng'ony. Kigenyuru baornatosiekab soronet, kosobet, nyorjinetab ge ne bo magutik, ak alak che chang', kobun letaet koyom ng'ony. Chutyin banito bo Kamuktaindet, ak igochi chi boroindab kanamet ne leel, ak kamang'unet ne leel agobo mutai.

Kobun Prophet Uebert Angel  
 @GOODNEWSDAILYDEVOTIONAL

SPONSOR AT: [WWW.GOODNEWSDAILYDEVOTIONAL.COM](http://WWW.GOODNEWSDAILYDEVOTIONAL.COM)

**MITEI ENG' KUTUSWEK CHE TERJIN**

# MAONATET NE INDOISEUN BETUT AGE TUGUL

Logoiywek Che Miach Betut Age Tugul (The GoodNews Daily) ko mitei nguni nebo barnotik, ak nebo lagok, ak noto nebo bik che echen, ago ibun maonateng'ung' nebo betut, kobun muguleldab Prophet Uebert Angel. Sirutichoto ko ibu sobetab ng'olyotab Kamuktaindet eng' chi tugul eng' gong'ung'. Siret nebo lagok ko tinye kayanet, chamnyet ak kayomisutikab Kamuktaindet, eng' oret ne imuchi koboiboenji, ago nebo barnotik ko tinye kereet ne kaikai, kotoret ichek eng' naet, ak kimnatetab tamirmiriet. Eng' betut age tugul inyorji ge maonatet ne indoiseun eng' bandang'ung', ak Kamuktaindet matin iming'in anan ko I o! Matin kosirin boroinato, nam anyun sireng'ung'nebo buch rani.



SCAN ME

**KOBUN PROPHET UEBERT ANGEL**

@GOODNEWSDAILYDEVOTIONAL

WWW.GOODNEWSDAILYDEVOTIONAL.COM

# KEREET NE YOMU NG'ONY KOMACHE BAJET NE YOMU NG'ONY

IGUN TORETINDETAB LOGOIYWEK CHE MIACH

Kobun toreteng'ung' ne mie ak konunetab fedaisieguk, kenyoru kamuget kepcheiten Logoiywek Che Miach, koityi komoswek tugul chebo ng'ony, ak kiamde ng'ang'utikab logoiywek che miach, chebo Kiptaiyandenyon Jesu Kristo, kou ye ineeti inendet ne konyitot Prophet Uebert Angel. Kimuchi keweel kutuswek, kimong;u bukuisiek, ak kepcheite Logoiywek Che Miach, eng' bonwekyok chebo amdaet, kampein nebo GoodNews On-The-Go, ak kampein nebo sponsor a Nation/Language, kotoretech keityin bik eng' amdaetab Logoiywek. Igun toretindet eng' keronito yomu ng'ony, ak ichutech eng' kayaptaetab Ng'olyotab Kamuktaindet, koityi emotinwek eng' ng'ony keboisien malaikayandenyon ne kiyokto, Logoiywek Che Miach Betut Age Tugul.

Kobun Prophet  
Uebert Angel

@GOODNEWSDAILYDEVOTIONAL

PARTNER AT: [WWW.GOODNEWSDAILYDEVOTIONAL.COM](http://WWW.GOODNEWSDAILYDEVOTIONAL.COM)

# ITAAGAT ENG' OLE KIMI ENG' ONLINE! KOBUN PROPHET UEBERT ANGEL

NYORUECH ENG' WEBSITE

WWW.GOODNEWSDAILYDEVOTIONAL.COM

 @GOODNEWSDAILYDEVOTIONAL



Nyorjin ge cherset betut age tugul, ak etunetab tamirmiriet, ye inyoriech eng' website nebo Logoiywek Che Miach. Chut oritab ng'olyotab maonatet nebo betut, ak tuguk alak che teechin ak kowal sobeng'ung'. Mat ichilil kasarta ne itesoksei eng' kayaneng'ung', ak inyoru boiboiyet eng' Ng'olyotab Kamuktaindet. Nyoriech eng' website nebo Logoiywek Che Miach rani!


For more information visit: [www.goodnewsdailydevotional.com](http://www.goodnewsdailydevotional.com)

You can also send an email to: [gnd@goodnewsworld.com](mailto:gnd@goodnewsworld.com)


Or Call At: **USA: +1 (240) 781-6942 UK: +44 333 344 8612**

**ZW: +263 773 195 955 RSA: +27 (51) 004-0209**


# BETUT AGE TUGUL AK KOTESTAI



Igun agenge eng' bik che chang' che inaami betunywa, ak sirutikab Logoiywek Che Miach, chebo betut age tugul. Kas Logiywek che Miach eng' Spotify ak ichamji korikyin eng' bandang'ung, eng' tamirmiriet ak imandab Bukuit Ne Tilil, kondoun ng'ang'utik ak kanetutikab Prophet Uebert Angel.



# BETUT AGE TUGUL AK KOTESTAI



Kiibun baornatosiek agobo boisietab ne kiyai siretab Logoiywek Che Miach Betut Age Tugul eng' chanel nyenon nebo Youtube. Sirutichoto indoe eng' sirutik alak ko kitiny sobonwek che maiitoksei, kopcheito kamang'unet, chamnyet ak kayanet. Kobun kanetutikab Prophet Uebert Angel, sirutichoto bo Logoiywek Che Miach ko tinye kimnatet kowal bik, kocher bik,gorik ak lagok, kosopcho sobonwek che tinye boisiet ak kasuldaet ne yamat.

**Kobun Prophet Uebert Angel**



SUBSCRIBE NOW

@GOODNEWSDAILYDEVOTIONAL

WWW.GOODNEWSDAILYDEVOTIONAL.COM



**TheGoodNewsWorld Helplines**

**USA: +1 (240) 781-6942**

**UK: +44 333 344 8612**

**ZW: +263 773 195 955**

**RSA: +27 (51) 004-0209**

[www.goodnewsworld.com](http://www.goodnewsworld.com)